





M

41 13-6.C.37

18







Eminentiss: & Reverendiss: D:  
N. N.  
S A C R Æ  
CONGREGATIONIS CONCILII  
CARDINALI  
EPISTOLA R: P: D:  
FRANCISCI TRIVISANI


Patricii Veneti Sanctissimi D. N. Papæ V. S.  
Referendarij, ac ejus Sacræ Consultæ  
Ponentis &c.

IN RESPONSIONEM THEOLOGICO-  
LEGALEM EDITAM IN  
Romana Juramenti Rei deferendi.

*In Quinque Articulos distributa.*



VENETIIS Typis Hieronymi Albricci 1698.  
CENETÆ 1724. Ex Typographia Episcopalis  
per Dominicum Bordonum. Superiorum Permissu.



**L**iceat hunc Librum imprimere extra Romam servat. servand.

*Fr. Paulinus Bernardinus Ord. Prad.  
S. A. P. Magister.*

Locus ✕ Sigilli.

---

## Noi Refformatori dello Studio di Padova.

**H**Avendo veduto per la fede di revisione, & approbatione del P. F. Ant. Leoni Inquisitore nel Libro intitolato *Epistola R. P. D. Francisci Trivisani Patritii Veneti &c. in responsionem Theologico-legalem editam in Romana Juramenti Reis deferendi*, non esservi cosa alcuna contro la Santa Fede Cattolica, & parimente per attestato del Segretario nostro niente contro Principi, e buoni costumi, concedemo licenza, che possi esser Stampato, ~~osservando gl'ordini in~~ materia di Stampe, & presentando le solite copie alle Publiche Librerie di Venetia, & di Padova.

Data 13. Agosto 1698.

*(Antonio Grimani Kav. Proc. Ref.*

*(Sebastiano Foscarini K. Proc. Ref.*

*(Girolamo Venier Kav. Ref.*

*Agostin Gadaldin Seg:*

## ARTICULUS PRIMUS.

Sumpta occasione Quæstionis exponitur Praxis Criminalis tamquam necessarium Assumpti fundamentum. pag. 1.

*Ubi inanis multiplicatio Juramenti, cæteraque Remedia Diligentia, Caustica, & Arbitrium de lure, tum de Stylo, quæ præter Juramentum Fisco suppetunt, ostenduntur.*

## SECUNDUS.

Enucleantur Sacri Textus, nec non Canonici, & Civiles ex adverso allati, ac nimis distare à terminis prædictæ Praxis demonstrantur. pag. 13;

## TERTIUS.

Historia Usus Juramenti in Judiciis affertur, ac eius Corruptela quando, & quomodo introducta ostenditur. pag. 30.

## QUARTUS.

Consuetudinem, seu Corruptelam impugnati Juramenti non esse necessariam, neque utilem in terminis relatæ Praxis convincitur. pag. 40.

## QUINTUS.

Reliqua obiecta solvuntur. pag. 51.

EPILOGUS. pag. 52.



# Eminentifs. & Reverendis. D.



*Accipi Responsionem Theologicolegalem in Romana Juramenti Regis deferendi, quam Eminentifs. & Reverendis. Dominatio Tua dignata est mihi transmittere, diligenterque perlegi, utque morem geram, benignæ humanitati tuæ quid de illa, pro veritate sentiam exquirenti, sic meam sententiam proferre non detrecto, ad majorem æternæ Veritatis gloriam, necnon Christi fidelium salutem, quorum censuræ obsequenter omnia submitto.*

*Eam equidem elaboratissimam, ingeniosissimam, multisque allegationibus, ac eruditionibus refertam inveni, adeo ut sine contradictione dignè approbandam in ABSTRACTO omninò censerem, nisi difficultas in CONCRETO subjectæ Quæstionis (de qua, ut patet Eminentiæ Tuæ, me primum anonymum promotorem fateor) non pænitus evacuata mihi videretur.*

## ARTICULUS. I.

*Sumpta occasione Quæstionis exponitur Praxis Criminalis; tanquam necessarium Assumpti fundamentum.*

I: **A**UCTOR in primo Articulo ejus Responsionis sic proponit, Ibi, *Ex pluribus Sacre Scripturæ locis & Canonicis, atque Civilibus Sanctionibus probatur antiquitas, & auctoritas huius consuetudinis: Ibidemque pro illa firmanda quàm plures Auctores ipsam consuetudinem canonizantes affert.*

II. In aliis verò quatuor Articulis Quæstionem Theologicam alterius anonymi Authoris, nec non discursum Ignoti pariter Calami confutare conatur; &

A

cum

cum nec prima, nec secundus; nec tot aliæ quidem Scripturæ, seu Allegationes vel pro, vel contra, in hac Controversia emanatæ ad manus meas nunc usque pervenerint, earumdem Authoribus respondendi curam relinquendo, obiter tantum quidquid ego observavi ad præfatos fines exponam.

*Manichæorum ex  
D. Bonav. 3. dist. 39.  
art. 2. q. 1. D. Bernard.  
Homil. 6. in cant. Ca-  
pharistarum Tseude  
Apostol. apud Alph.  
de Castro.*

III. Procul igitur dubio à nemine ex prædictis impugnatum esse unquam censeo, licitum esse in Judiciis jurare, necnon à Judice juramentum exigi posse; aliter in errorem quamplurimum Hæreticorum offenderent; cum clarè hoc pateat permissum in *ABSTRACTO* ex sacris Litteris tum in Novo, tum in Veteri Testamento, atque apertè sancitum sit per Sacros Canones, ipsasque Leges Civiles.

*Joannis Pulticoff.  
damnat. per Mars. 1.  
in Concil. Constantien.  
ut ex ejus prima Bul-  
la. in Bullar. nov.  
rom. atq. Anabati-  
star. & quam plur.*

IV. Sed difficultas stat in *CONCRETO* nostræ Quæstionis, nempe in diversitate, *Causa, Formæ, & Finis*: Ideoque videndum prius in *Quibus terminis, Quomodo, & Ad Quid exigere Juramentum* per Sacram Paginam, ac Juridicas Sanctiones permittatur, & inde si eadem serventur hodie in nostra Praxi Criminali: hisque jactis distinctionum, ac diversitatum fundamentalibus principiis, perquirendum fore credo, si expediat, quod talis consuetudo (quæ Corruptela potius, & Abusus vocanda) sit adeò Necessaria, adeoque Utilis, ut præcipuè in tam Sancto Gubernio, & sub hoc Sanctissimo Principe servari conveniat, vel tanquam superflua, nulliusque necessitatis, minusque utilitatis abroganda potius videatur:

V. Ut autem, quò materia nimis intricata permittit, faciliiori modo assequamur, antequàm ipsorum Textuū, ac Sanctionum explanationem aggrediamur Methodum nostræ Praxi Criminalis communiter à Doctoribus traditā, opere pretium censeo præventivè referre:

*Bartol. in l. inter.  
omnes § in fin. ff.  
de iuribus & lege*

VI. Praxis ergò Criminalis docet, quod in omnibus Causis vel Levibus, vel Gravibus, vel quoque Gravissimis,

mis, in quibus ipsa Necis poena irrogatur, semper à pratenso Reo Juramentum de satenda veritate exigatur; Et hoc ante omnia, & in quolibet ejus examine, non solum in primis Constitutis, & successivis Contestationibus Indiciorum, verum etiam in ipsis Rigorosis Examinibus, quæ vi tormentorum exquiruntur, adeo ut, Exempli gratia

VII. Pratenso Reus deventus in Possesse Curia paucis sufficientibus Indiciis, imò nullis intervenientibus, (ut observari in aliquibus casibus,) statim interrogatur, prævio semper Juramento de satenda veritate, quod exigitur non solum quando Fisco non remanet spes probandi aliunde delictum, sed incohata vix causa, & quando pluribus aliis (ut infra dicam) remediis non solum posset ipse Reus graviter inditiari verum etiam convinci; Et quod plus est non interrogatur tantum si talia, & talia patraffer, sed à Judice quampluribus artificiosis Circumlocationibus, Interrogatoriisque ad fatendum, vel saltem ad sese Mendacis, Improperitatibus, & Contradictionibus itaqueandum tentatur, itaut in callido Duello Reus, & Iudex in simul concertare videantur per tot vices, tantumque temporis spatium, quot, quantumque ipsi Iudici interroganti placuerit; Et si Reus in responsionibus, medio præfato juramento, suam innocentiam ostentaverit, non inde tamen causa definita remanet, ipseque dimissus; Sed Fiscus tunc studet cumulare indicia, non tantum directa in delictum, verum etiam indirecta super ante habitis præfati Rei responsionibus, ad detegendum aliquod Inverissimile, seu Mendacium, de quo Mendacio licet postmodum, vel per Testes, vel per successivas ejus confessiones idem Reus convicatur, non tamē de perjurio punitur, sed Mendacium, in substantialibus circa delictum solummodo pro indicio ad torturam cumulatur.

prima post. num. 6. C. de juram. calumni. ubi testat de confesso Sylo Italig. & ibi Bald. n. 3. ubi dicit: quod ita observat consuetudo Marsili. in l. Questionis habenda n. 72. ff. de quest. Corrad. pract. fol. 130. in princip. Gomez. cap. 1. de delictis n. 65. c. la. 9 final. q. 45. n. 9. circa med. Caribar. 1. pract. interrogand. Reor. lib. 3. c. 3. n. 6. Ambros. in proces. inform. lib. 2. c. 6. sub n. 2. ubi dat formam, & sub num. 28. Scat. de indic. lib. 1. c. 36. sub n. 13. Si de de indic. lib. 1. c. 36. n. 35. vers. Secunda quia si lex circa med. & seq. Caribar. pract. interrog. reor. lib. 2. c. 1. n. 17. & seq.

Clar. dist. 5. final. q. 45. nu. 10. Alex. in apostil. ad Bart. in l. 1. sub. n. 1. ff. de bon. eor. cui contrad. Beron. q. 134. nu. 3. Boss. de perjur. n. 3.

Clar. dist. 5. final. q. 45. d. n. 10. Paris de Puro de sind. fol. 444 post. 4. Grana conf. 9 n. 5. Boss. de indic. n. 36 & 58. Novell. trac. ad defens. fol. 15. post. num. 5.

*Farinacc. q. 31. n. 308.*

*Guazzin. in deff. 14. s. 2. n. 3. Ambrosin. process. informat. lib. 1. c. 1. n. 9.*

*Guazzin. d. deffen. 14. c. 2. n. 5. Bald. trac. de Test. par. 2. n. 24. Maceras. variar. resol. lib. 3. resol. 36. num. 8.*

*Ambrosin. lib. 2. c. 8. n. 28. § Sempronius per sequen.*

VIII. Studet igitur semper Judex, ut dixi, inditiare Reum omnibus exactissimis diligentis, ac exquisitissimis *Inventis*, quorum aliqua numquam approbavi; nec unquam approbaturus ero; Prout est illud, quod passim de stylo fit, licet, ut dicitur, pro sola instructione animi Judicis: Mittitur nempe in eundem carcerem unà insimul cum pratenso Reo Speculator, qui proditoriis suggestionibus eum tentet, ad detegendum aliquid contra seipsum; Sicut pariter est id, quod de more datur, etiam contra Reformationem Pauli V. ac finem Judicis qui est Indagator veritatis, de directo tendat, videlicet: Extrajudicialiter audiuntur prius singuli Testes, antequam in Processu Informativo eorum depositiones accipiantur, & si aliquid ad favorem Fisci asserant, tunc judicialiter eorum dicta recipiuntur: Si verò ad favorem pratenfi Rei aliquid dicunt, tunc illi dimittuntur, eorumque depositiones recipere judicialiter recusantur, præter alias cautelas, & diligentias, quæ ut inam non adhiberentur, dum tanquam illicitæ, quando in lucem prodeunt, & si modò puniuntur, tractu temporis verò, invalescente usu, convalidari poterunt.

Cumulatis denique sufficientibus indiciis, denuò pratenfus Reus, ut supra, ad examinis certamen vocatur, prævioque semper juramento de veritate facienda, fortioribus Interrogatoriis lacessitur, qui si in assertiva suæ innocentia persistat, tunc & indicia acquisita, & idemmet pratensum delictum ipsi contestatur, & si contra opposita, rationes, & exceptiones contrarias quoque adducendo, in continua negativa perduret, negando etiam præcisè, se unquam tale delictum commississe, tunc nullo habito respectu ad ejus iuramentum, nec per illud dimittitur, nec adhuc Causa definitur: Sed Fiscus iterum, atque iterum curat impinguare Processum, novaque indicia contra eundem Reum



*Ambrosin. dist. lib.  
p. 6. 2. 2.*

mò semper strictissimè examinantur, postea super Articulis, & in hoc nequaquam servatur æqualitas; Nam si prædicti Testes inducti ad Rei defensionem in Articulis aliquid deponant contra ipsum Reum, non refutatur, ut fieri in examinandis Testibus pro Fisco supra diximus, sed recipitur, & contra prætensum Reum cumulatur.

*§ Si quis Testibus  
cod. de Testibus cap.  
3. versic: si quis 4. q.  
3. Farinacc. q. 62.  
§ 211.*

XII. In quo etiam durissimam aliquando observari Praxim, dum nempe sæpius Fiscus detegendo ex Articulis productis pro parte prætensi Rei in quo fundetur intentio illius ad sui defensionem, prævidendo scilicet, vel quod vult inducere Testes ad probandum aliquid, quod destrueret Processum Fisci, vel quod Fiscus in aliquo defecerit, ex quo prætensus Reus se defendere posset, allegando, talia non esse concludenter probata, seu quod ad adimendam fidem Testium Fiscalium curat in eis aliquas Legales Exceptiones invenire, ac demum quoties ex articulis Rei Fiscus deducit aliquod lumen pro sustentando proprio Processu, illoque meliorando, conditionem verò prætensi Rei peiorem reddendo, tunc Fiscus sese munit, ac præventivè Processum informativum denuò impinguat, tentatque novas probationes, ac indicia cumulare. Imò etiam post factas defensiones sæpenumero eas adstruere evertere conatur, probando defensiones non subsistere contrariis probationibus, vel Repulsa Testium: & hoc quando etiam intervenit Pars adversa Reo, Adhærens Fisco, itaut suspicionem illam subornandi Testes inductos ad defensionem Rei, quæ cadere non potest in ipso Fisco, bene in Parte ei Adherente pertimescendam omnes Doctores non sine admiratione concludunt.

*Nata cons. 319.  
vol. 2. Gabr. conclus.  
22: n. 99. tit de Test.  
rel. per Gnazzin. def.  
24. c. 7. n. 2. ubi quod  
post. didicisti testifica  
ta de novo producuntur.  
Testes. & melius  
Farinacc. q. 75. n.  
414. & 419. circa  
med.*

*Folier in Pravi cri.  
verb. concedatur re  
pulsam. 21.*

*U. sil. ad Affl. B.  
decis. 219. sub nu 4.  
vers. ad offensã Par  
tis. Surd. cons. 118.  
n. 3. & cons. 104. n.  
37. Farinacc. qu. 75.  
num. 424.*

XIII: Absolutis ergo defensionibus ex parte Rei, Fiscus respondere in Jure potest quoties ipsi placuerit, Reus verò quam minimè, dum ultimus locus semper

ab ipso

ab ipso Fisco inscribendo occupatur: Quibus etiam peractis, postremo deducuntur ad Trutinam iudicii omnia, quæ tum ex parte Fisci, tum ex parte prætensi Rei cum lata fuere; Et quamquam in omnibus eius constitutis, semper medio juramento prætensus Reus se innocentem asseruerit, & testes ad eius defensionem adducti medio pariter eorum iuramento inditia Fisci destruxerint, non inde tamen definitivè resolvitur Causa pro parte Fisci, nec prætensus per antea Reus, tamquam innocens tunc dimittitur, sed Fiscus vult semper conservare tale quale Ius super eodem, & ideo priusquam Excarceretur cogit semper eum ad præstandam Fideiussionem de se representando, quatenus nova superveniant Indicia, vel etiam, Non Novis supervenientibus Inditiis, ita ut Fiscus resservet sibi facultatem revocandi eundem ad carcerem, & aliquo modo uti eodem processu, qui post tot diligentias, tot Juramenta, totque Purgationes consumptus tandem esse debere videtur.

Clar. qu. 64. nu. 38.  
Bos. tit. de Sentent.  
n. 68. & seq. Farinac.  
q. 4. n. 26. in secunda  
Ampl. & n. 27. Cabal.  
cas. 43. n. 19. & seqq.  
Guazzin. defens. 2. c.  
6. nu. 14.

XIV. Atsi prætensus Reus factis Defensionibus vel etiam non factis, innocens patenter appareat, tunc Fiscus nec quidem eum simpliciter absolvit, sed recurrendo ad subterfugia tantum eum dimittit *exbañen*us deductis, aut tanquam non repertum Culpabilem, vel ad summum tanquam repertum non Culpabilem. Eximia namque cautela Fiscus curat quem semel processavit Innocentem nunquam declarare, quamvis in eum nullum Indicium acquisierit, vel Defensionibus penitus expurgatum reperierit: Unde vel rarissimè accidit, quod relaxetur aliquis *ex capite innocentie*, nisi luce meridiana clarior probata conclusionissimè resfulgeat, adeout exemplum fere singulare remanserit, illud Negativæ de loco, & tempore Coarctatæ, per quam prætensus Reus irrefraganter obiectum Crimen excludit, quod tamen ipsi

Bos. tit. de sentent.  
n. 65. Farinac. q. 171  
n. 24. in fin.

*Coriad. decif. 21.  
n. 131. p. 1. Scanerol.  
de Vifit. carc. lib. 2. §. 3  
c. 2. a. n. 8. ubi de fty-  
lo Romana Curia.*

ipfi Reo affequi perdurum eft, ob confuetas Cautelas Fisci non admittentis Testes ad ipfam Negativam probandam, nifi prius in carceribus constitutos: Ita-  
ut difficillimè Testes reperiantur, qui talia subire præstent, accedente potiffimum periculo sese etiam il-  
laqueandi Interrogatoriis faciendis à Fisco, quem præ-  
fertim nesciunt quibus præcautionibus præmunitum contra seipfos inventuri sint:

*Clar. §. fin. q. 2. v.  
item quæro. Cartar.  
de execut. sent. c. fin.  
n. 175. Ambros. Pro-  
cess. informat. lib. 1.  
cap. 2. n. 3. & 4.*

*Clar. §. fin. q. 45.  
versic. cater.*

*Clar. dif. §. fin. q.  
25. per tot. Boss. tit.  
de tort. Test. n. 9. &  
seq. Ambros. dif. lib.  
1. c. 4. n. 1.*

XV. In quo pariter equalitas adeo per Canones;  
Leges, & Doctores in Judiciis inculcata desiderari  
contingit, nam si Reus vult probare dictam Negativā,  
nempe de tempore delicti non fuisse, nec esse potuisse  
in loco eiusdem delicti, Testes per eum inducendi non  
nisi in carceribus admittuntur: si verò Fiscus, vel et-  
iam Pars ei Adhærens (in qua, & quidem maxima ca-  
det suspicio Subornationis, non tantum æqualis ac in  
prætenso Reo, sed etiam major, dum iste in carceribus  
restringitur, & illa in libertate posita maiorem subor-  
nandi Testes commoditatem habet) vult probare de  
eo tempore prætenfum Reum in loco fuisse delicti, vel  
similia, ad convincendum ipsum de obiecto crimi-  
ne; tunc Fisco, & Parti ei Adherenti sufficit indicare  
Testes; qui ex officio ab eodem Fisco vocantur, extra-  
que Carceres, & in totali eorum libertate examinan-  
tur, nullis præcedentibus cautelis ex parte Rei, nul-  
lisque eius artificiosis interrogatoriis, itaut, quamvis  
verum sit, quod iidem Testes postea repetantur cum  
interrogatoriis ex parte Rei, attamen casus multum,  
& multum differt; Nam aliud est dare interrogatoria  
Testibus priusquam deponant; aliud est, postquam  
medio iuramento jam deposuerunt; In hoc namque  
casu benè prævident, quod si suam depositionem re-  
tractent, debent prius succumbere tormentis *ad pur-  
gandam maculam, & ad videndum in quo dicto persistant, & à  
quo fuerint subornati*, deindeque ad pœnam Perjurii,  
acre-



ac respectivè subornationis obstringi.

XVI. Verùm omne id agitur, quando prætenſus Reus à Fiſconon eſt ſufficienter, vel penitus inditiatus, ſeu quando ſuam innocentiam probavit, aut denique cum ſe Deſenſionibus totaliter expurgaverit ab omnibus indiſciis; Secus autem eſt, ubi non totaliter expurgatus exiſtat; Nam tunc, licèt medio Juramento in tot, tantisque ſuis Conſtitutis repetito ſepties, atque ſepties ſeſe Innocentem, atque Innocentiſſimum aſſeruerit, non inde tamen ei creditur, talisque Purgatio Canonica pro nihilo reputatur, ſed non obſtantibus Deſenſionibus ab ipſo factis, adhuc ſi contra ipſum illaſa aliqua indiſcia remaneant, tunc ſi iſta ſunt levia, intrat Arbitrium Judicis, quod in aliquibus caſibus, nempe Furti, & ſimilibus extenditur uſque ad Exilium ſub pœna etiam Triremium per quinquennium, quod licèt dicatur fieri ad *Expurgandam Provinciã*, & non per viam Condemnationis, ſemper tamen Exilium ſub prædicta comminatione eſt Pœna, & quidem gravis, cum in delictis Furti, & ſimilibus, in quibus potiſſimè practiſcatur, irroget infamiam, nec unquam *de ſtylo* ab hujusmodi Exilio remittatur: Si autem inditiã ſunt graviora, ac etiam talia qualia, poſitivè condemnatur ad Exilium ſub pœna, uti ſupra, irremiſſibiliter etiam pro prima vice incurrenda, & ſi Titulus delictorum eſt de Gravioribus, vel de Graviffimis, Arbitrium Judicis *ex Praxi* ad quid amplius etiam extenditur: Si autem Inditiã, quæ adhuc adverſus prætenſum Reum remanent, ſunt relevantia ultra, aut circa Torturam, tunc pariter intrat Arbitrium Judicis, qui poteſt vel eum torquere, vel condemnare in pœnam Extraordinariam, nempe mitiorem illa pro obiecto delicto à Legibus, vel Communibus, vel Municipaliſtis ſtabilita, habito tamen reſpectu ad ipſam indi-

B

tiorum

*Farinacc. q. 40. nu. 13. & ſeqq. Spada conf. 124. n. 16. li. 1.*

*L. ſi furſi, & ibi Gloſſ. in verb. ignoſcentem. Cod. ex quibus cauſis infam. irrog. Farinacc. q. 17. nu. 8. & ſeq.*

*Spada diſt. conf. 124. nu. 16. & 17. lib. 1.*

*Farinacc. q. 51. n. 64. & ante eum Bald. in l. ſin. num. 5. verſ. ſi autem Cod. de probat.*

*Ambros. process.  
informas. lib. 4. c. 3.  
per tot. c. 8. n. 2.*

tiorum relevantiam, & in hoc etiam in *praxi* observari, quod nonnunquam Judicis Arbitrium regulatur à consideratione qualitatis prætensi Rei: Nam si detegitur Malitiosus, vel nimis Robustus, ita ut posse substinere tormenta videatur, tunc potius præfatum remedium condemnandi eum in Pœnam Extraordinariam amplectitur: Ac idem etiam praticatur quando Reus est in parte confessus, & est torturandus *pro habenda eius ulteriori confessione*, quod quamvis in hoc casu semper præcedat Protestatio Fisci de habenda ulteriori depositione in tormentis *absque præjudicio confessatorum*, attamen quando suspicatur, Reum posse ex nimia eius calliditate *variare*, vel propriam *revocare confessionem*, tunc ad effugiendas etiam omnes disputationes cum eius Defensoribus, intrat idem Arbitrium pro condemnatione in Pœnam Extraordinariam.

*Scanerol. de visitat.  
carcer. lib. 1. c. 4. §.  
1. 1. c. v. p. 6. Sect. 1.  
num. 44.*

XVII. Non omittendo animadvertere, quod toties quoties in Curia coram Judicibus proponatur aliqua Criminalis Causa sive agatur de instructione, vel Impinguatione Processus, sive de Reo Torturando sive de Arbitrio in eum extendendo, sive denique de eo, prout de jure, expediendo, & de Causa totaliter Definienda, semper Procurator Fisci, sua Jura, tum verbis, tum scripturis tuens assistit, cum nullus Procurator pro parte Rei adesse permittatur.

*Clar. q. 25. vers.  
torqueant. Ambros.  
process. informas. lib.  
1. c. 4. n. 2.*

XVIII. Si verò ex prædictis inditiis torturandus prætensus Reus videatur, secundum qualitatem, & relevantiam eorundem inditiarum Qualitas, & Quantitas temporis Tormentorum à Iudice regulatur; Ductusque tunc Reus in atrocius Duellum, prævio pariter ejus *Juramento de veritate satenda* strictius à Iudice interrogatur. & si is in Negativa persistat, Tunc non obstantibus tot ejus juramentis, ut dixi, nullaque habita consideratione ad tot *torturas animas* per ipsum latas

latas, ad torturandum ejus Corpus descenditur, qui sic in tormentis positus ad fatendum delictum à Judice stimulatur, & compellitur, per tantum temporis spatium quantum fuit prius decretatum. Ac quando intrat Tortura Repetita, quæ biduo inferitur, vel tormentum Vigilæ, quod datur in Atrocissimis Delictis, & Urgentissimis accedentibus Inditiis (Quamvis in aliquo Tribunali minoribus etiam cōditionibus inferitur) & quod pariter tormentum bipartitur aliquibus scilicet horis, præmittendo Torturam per mediam horam ad debilitandum magis prætenfum Reum, posteaque tormentum Vigilæ infligitur, tunc in omni actu prævium juramentum de veritate fatenda à prætenso Reo semper exigitur. Si autem in dictis Tormentis tādē Reus fateatur delictum, idque postea ratificet extra Tormēta, atque ejus Confessio verificetur, & in terminis sibi assignatis *ad dicendum contra propriam confessionem* nihil relevans in contrarium asserat: tunc nulla habita consideratione de tot contrariis ejus juramenti: huiusmodi ultimæ Depositioni vi tormentorum emanatæ, *tanquam* verissime creditur. At solummodo ad pœnas pro tali Delicto a Legibus impositas Reus condemnatur, nulla facta mentione, seu habita consideratione de pœna Perjurii, adeout detur nonnunquam casus, quod pœna Delicti mitior sit, quàm pœna Perjurii, & tamen Reus sola Delicti pœna punitur, ex hoc præcipuè contingit quando Reus, ut diximus, in pœnam extraordinariam cōdemnatur, atque solummodo in his casibus potest dici quod verè, & propriè inter Fiscum & Reum servatur æqualitas, dum nec Fisco ad augendam pœnam Perjuria quidquam profunt, nec pro Reo quidquam tot Juramenta opitulantur.

XIX: Non prætermittam etiam aliud Arbitrium Judicis, quod in casu torquendi Rei praticari solet,

*Cartar. de inter. reo:*  
lib. 4. c. 2. n. 4. & 5.

*Ambros. lib. 4. c. 2.*  
& *melius Farinac. q.*  
83. num. 96.

*Cartar. de interog:*  
*reo. lib. 4. c. 2. n. 7. &*  
*8. Farinac. q. 38. nu. 76*  
*Guazzin. defens. 3. c.*  
21. n. 13.

*Ambros. Process. in 2*  
*formas. lib. 4. cap. 10:*  
n. 1. ubi de formam.

*Clar. §. fin. q. 65. v.*  
*i. Bertaz. conf. 95. nu.*  
13. lib. 1. *Farinac. q.*  
81. n. 3.

*Clar. §. fin. qu. 45:*  
num. 10.

non inferendo; scilicet, in aliquibus casibus integrum Reo Tormentum juxta Relevantiam Indictorum; sed aliquod spatium temporis reservando, videlicet, si indicta, & Delicta requirebant integrum Tormentum Vigiliæ per duodecim horas: Judex mandat inferri tantum per septem, vel decem, ad hoc, ut si Reus illud negando sustentet, possit postea in supplementum integri Tormenti condemnari ad Pœnam Extraordinariam, quæ etiam rigorosè extenditur iuxta qualitatem Delicti: Quod mihi pariter durissimum videtur pro Reo, quem sicut nunquam juvat se expurgare Purgatione Canonica Juramenti tot tantisque vicibus per ipsum delati. ita pariter aufertur quoque modus plenè sese purgandi per Purgationem tormentorum Corporis: Ex quo clarè patet, minus; atque minus existimari *Torturam Animæ*, quæ est juramentum Reo quoties opus fuerit paucis, atque etiam nullis præcedentibus inditiis illatum, nec unquam in aliqua parte diminutum, ut aliquantulum pœnam temperet; quam æstimari *torturam corporis*, quæ ex inditiis equivalentibus solummodo inferitur, & ne totaliter Reum expurgare queat; dimidiatur.

XX. At si tandem inferitur Reo totum Tormentum, & ipse semper in Negativa persistat, tunc eius Causa in Judicium defertur, & expeditur. *prout de jure*, & aliquando, & in aliquibus casibus relaxatur Reus, data prius fidejussione de se representando, forma supra relata, adeout nec post tot experimenta; totque expurgationes Animæ, & Corporis Causa dici possit terminata: quia, ut supra, potest iterum revocari Reus ad Carceres, quin etiam sepius, præcipuè in furtis, & similibus vidi relaxari Reum in juncto exilio à toto Statu sub pœna etiam Triremium; nec inde post tot prædictas Purgationes remane;

*Capall. casu. 93. n. 29. & 288. n. 23. cum seqq. Guaz. in. defens. 30. c. 40. n. 3. circ. me. dium.*

*Abbas in cap. per suas de probat.*

*Abbas ubi sup. n. 11. Scacc. de Judic. lib. 2. cap. 8. n. 276.*

*L. 1. § 1. ff. de qu. Roland. conf. 12. n. 31. li. 3. Onded. conf. 109. n. 5. Farinac. q. 37. n. 1. & conf. 6. n. 21. & conf. 33. n. 3.*

*Clar. § fin. qua. 21. vers. illat. reo tortur. quem citat. Ambros. d. lib. 4. c. 3. n. 10.*

*Farinac. q. 40. n. 13. & seqq.*

manere absolutum, quia Pena Exilii cum tali Com-  
minatione non levis est, immò gravissima præcipue  
dum irrogat infamiam, & quod peius est, nunquam  
de stylo tale exilium remittitur, ut suprà.

XXI. Cætera Arbitria, & Cautelas, atque Remedia  
omitto referre, quæ si modò tanquam illicita, damnan-  
tur, tractu temporis (ut dixi) in Praxi reduci possunt,

## ARTICULUS: II.

*Enucleantur Sacri Textus; necnon Canonici, & Civiles ex ad-  
verso allati, ac nimis distare à terminis Nostra Praxis  
demonstrantur.*



Itaque exposita Praxi, qua nunc in Cri-  
minalibus utimur, & egomet per tot an-  
nos (ferè invitus) exercui, in Arenam de-  
scendam responsurus Assumpto Autho-  
ris, qui probare intendit hujusmodi Con-  
suetudinem, *Iuramenti* scilicet *Reis* deferen-  
di, iuxta terminos relatæ *Praxis Criminalis ex Sacra*  
*Scripturæ Canonici, & Civilibus Sanctionibus* ortum  
duxisse, ac approbatam apparere quamvis tot tantq;  
ne dicam omnes, gravissimi Authores de ea scribentes,  
constantissimè asserant præfatam Consuetudinem mo-  
dò supra exposito *Iuramenti Reis in Criminalibus deferendi*  
nullis in Legibus fundari; [a] & de facto curanti mihi  
ad Juridicam trutinam deferre Textus per Auctorem  
allegatos, nullos in terminis præsentis Quaestionis, vel  
per umbram loqui clarissimè apparuit.

I. Primò namque verissimum inveni in Sacra Pagi-  
na, ut Author assert, [b] quod *Si quis accommodaverit A-  
mico Pecuniam, aut Vas in custodiam, & ab eo, qui susceperat sur-  
to ablata fuerint, si inveniatur Fur duplum reddet: si latet Fur,  
Dominus domus applicabitur ad Deos*, (idest ad Judices, ut  
exponunt interpretes) [c] & iurabis quod non extenderis

*Boss. tit. de car. s. 1.  
de iuss. commis. nu. 7:  
Bonacof commis. opin.  
par. 1. vers. c. pan. col.  
2. Farinac. q. 19, §. 17j  
in fin.*

a) Bart. in. l. Mar-  
cellus §. 1. ff. de fur.  
Clar. §. fin. de rer. an-  
nos. & l. inter omnes  
§. recte in fin. ff. de fur.  
Clar. §. fin. q. 45. n. 9.  
vers. in contrar. Car-  
tar. in praxi inter re-  
or. lib. 3. c. 2. n. 12. &  
seq. Scapp. de lur non  
serpe. lib. 1. c. 65. n. 4.  
& 5. Marsil. in pract.  
crimin. §. postquam  
in princ. & sub. n. 4.  
Sacc. de iudic. lib. 1. c.  
66. n. 27. ubi quod de  
lure non esset deferen-  
dum Iuramentum, &  
prius sub c. 12. nu. 3.  
ubi dicit causum lego  
nō reperiri, ut sit Reo  
deferendum Iuramē-  
tum, enimque refert  
Guazzin defens. 20.  
c. 1. in fin.

b) Exod. 22. nu. 74

c) Liran. n. 4. Abul-  
len. q. 6. & omnes

a) Exod. 22. n. 10.

b) Confer. Gen. 31.  
Num. 39.

manum in rem proximi sui, & si illi judicaverunt, duplum restituet Proximo suo. Et ibid. infra, [a] si quis commodaverit Proximo suo Asinum, Bovem, Ovem, & aliud Iumentum ad custodiam, & mortuum fuerit, aut debilitatum, vel captum ab hostibus, nullusque hoc viderit, Iusjurandum erit in medio; quod non extenderit manum ad rem Proximi sui, suscipietque Dominus iuramentum, & ille reddere non cogetur. [b] Doceat me igitur Author quomodo applicandus sit hic Textus, quomodo istius sensus convenient terminis præfata Praxis: In eo nempe quatuor considero, quæ Praxi prædictæ comparare conabor. scilicet Cui, quomodo, Ad quid, & Quibus in Causis iuramentum inferebatur.

II. Primò ergo apparet ex eodem Sacro Textu, quod Iuramentum inferebatur Amico, cui Res commodata fuerat, vel Proximo, cui Iumentum commodatum erat ad custodiam, videlicet illi, qui tenebatur de Iure reddere rationem Rei, vel Jumentum commodati; In nostra Praxi verò datur etiam illi, qui nullam rationem reddere tenetur, nullis aduc præcedentibus Indiciis, immò statim in omnibus primis Constitutis; quando Carceratus adhuc inter Reos nec quidem positus dici valet.

Tostat. p. 1. q. 7.

Art. 1. §. 4.

III. Secundò ex Sacro Textu Iuramentum dabatur si latebat Fur, nullusque hoc viderit, nempe, ut explicant Interpretes, & Auctor ipse in sua Disputatione fatetur, in defectu probationum, & quando alia convenientia Causæ haberi non poterant: (sunt ejus verba.) In prædicta autem Praxi datur illicò in principio Causæ, nullis factis priùs diligentibus, an aliunde probari possit delictum, immò quando tot Diligentia tum Juridicæ, tum Arbitrariæ ipsi Iudici, ut jam plenè ostendi, pro eruenda veritate adhuc suppetunt.

IV. Tertio ad id ex Sacro Textu Iuramentum deferebatur (quod attentè notandum) ut susciperet Domi-

*Dominus Iuramentum; & ille reddere non cogeretur, nempe expurgabatur iuramento, quod ad dirimendas, finiendasque Lites inferebatur, \* iuxta illud Apostoli omnis controversia finis ad confirmationem est iuramentum, & iuxta verba ipsius Authoris in Responsione, ibi ut iuramento suo stetur, & definiatur Causa, in nostra Praxi dicat quæso Auctor quando stetur iuramento prætenſi Rei, quando per iuramentum definiatur Causa? Si tot, totiesque replicatis iuramentis: ac difficillimis Defensionibus inoncentiam suam ostendere conatus fuerit, postque tot, tantasque torturas Animæ, atq; Corporis aut punitur, ut demonstravi, aut super eo media prædicta Fideiussione à Fisco Ius semper retinetur.*

V. Quarto denique ex lectura ipsius Textus; ibi, *Si accommodaverit Amico pecuniam; vel si quis commodaverit Proximo suo Asinum, & aliud lumentum ad custodiam: patet quod iuramentum inferebatur in Causis Civilibus, quas Auctor me docet vocari Truffas, dum etiã Expositores, & ipse Auctor sub nomine Depositarii vocant illum, qui juraturus erat, potius quàm in Causis Criminalibus, nempe Furti. Sed quidquid sit, quando etiã admitteretur in Causis Criminalibus, attamen in illis tantum datum fuisse patet, in quibus pœna dupli solummodo intrabat, ibi in Textu Si illi iudicaverint, duplum restituet Proximo suo. At in nostra Praxi non datur tantum in Causis, in quibus intrat sola Pœna Pecuniaria dupli, verum etiã quando intrat Pœna corporis Afflictiva, imò Pœna ipsa ultimi Supplicii, & agitur de Morte, & Ignominia, non solum ipsi Reo, sed etiã eius Filiis, Parentibus, Consanguineis, totiq; Familiæ, quod sanè summa animadversione dignum videtur ex eo quod minus, ac minus periculum perjurii in casibus præscriptis à Sacro Textu, quàm in casibus à nostra Praxi permisisse adesse*

\* Testat. ubi prox. Jansen. in Exod. 22. versic. eodem Cornel. à Lapide ibid. n. 3.

Ad Hebræos 6.

Art. & § præd.

Testat. & Jansen. ubi supra.

Exod. ubi sup.

adefse nimis clarè convincitur.

VI. Verùm ab hoc obiecto Author præventivè se defendere conatur, colligendo ex eodem Sacro Textu casus, in quibus erat in usu juramentum ubi pœna mortis etiam intrabat, ut ipse prætendit: Ideoque, ut adamussim satisfaciam omnes Textus per eum alatos considerationi sigillatim subiiciam?

Refert igitur *numerorum Caput quintum*, ubi lege Zelotypiæ Crimen Adulterii à Suspicionem purgari sancitum est per *aque amarę potionem*, prætendendo, quod in eo duplex Juramentum consisteret in illa Reduplicativa *Amen Amen*; Quamvis etiam interpretari posset pro replicato assensu imprecationibus Sacerdotis, prout nos Orationes omnes, & Postulationes nostras hoc ipso verbo *Amen* concludimus, verùm dato etiam, quod reduplicatum *Amen* Juramentum importet, nunquam tamen consonum esse poterit Sacramento, quod prætensis Reis per nos infertur: In Evangeliiis namque legitur quàm sapissimè, Christum dixisse *Amen Amen dico vobis*, qui tamen taliter certè juraturus non erat, ut explicatur in *Cap. Si Christus 26. de iur. jur.*

VIII. Sed Author vim facit in autoritate Josephi *Flavii Historici Hebræi*, cui sicut inter suos, Sacerdotis officio fungenti, fides tanquam Perito suorum Rituum habenda venit, & ex eo colligitur quidem, quod fœmina dum suspicione Adulterii expurgabatur, verè jurabat: At cum ad me magis certiorandū alios quoque Autores Hebraicæ Religionis percurrissem, inveni, quod circa tempus dicti Josephi ex consuetudine, vel potiùs Abusu à Rabbiis introducto, talis Ritus dilatatus fuit, itaut sicuti ex Textu Mulier tantummodo respondebat post impræcationē Sacerdotis *Amen Amen*, tunc ad multiplicandum, & specificandum Juramentum ipsa Mulier cogeatur ad male;

*Antiq. Iudaicar. lib.  
3. cap. 4.*

*Rabbi Maimon. in  
Sotah. cap. 3. fol. 47.  
Jo-Henr. Otib. in Lexic.  
Rabbin. philolog. sub  
verb. aqua amara  
fol. 40.*



maledictionem per sex vices replicare *Amen*; scilicet Sacerdoti dicenti, *Det te Iebova in maledictionem*, respondere debebat *Amen*: Ad Adjurationem, *Amen*; Ad ex illo viro, *Amen*; Ad ex viro alio, *Amen*: Quod non declinavi neque desponsata, neque nupta, *Amen* Quod me non emacula verum, si immunda facta sim veniant super me ille maledictiones, *Amen*. Prout habetur in *Sotab* Cap. 2. fol. 47. quod est pars *Misibna*, hoc est *Textus Canonici Hebraeorum* Authore *Rabbi Iebudà*, qui vixit secundo Christi sæculo, & titulus idem significat *De muliere declinante*.

*Idem Oth. sub dict. verb. aqua amara S. mulier fol. 44.*

IX. In quo casu advertendum autem est, quod licet Solemnitates ad præstandum huiusmodi Juramentum paucae non fuerint, quæ à Sacro Textu jubentur ad effectum inducendi summam, atque debitam apprehensionem erga Jurisjurandi relevantiam, attamen si ex Consuetudine, vel Abusu fuit exinde dilatatum Juramentum, fuerunt quoque auctæ Solemnitates præliminares ad Jurandum, Diligentia, & Cautelæ ad evitanda periuria. Primò namque à duobus Discipulis Sapientum Mulier comitata ducebatur Hierosolymam coram Magno Senatu, quo perventa ab eodem Senatu monebatur, summoque terrore afficiebatur, ne peieraret, hocque quamplurimis prolixis Concionibus, quæ leguntur in *Sotab*, ut illam ad confitendum adigerent, atque à Juramento, & Potu, si Rea esset, omninò deterrerent; & tandem si ad verba Senatus Mulier dicebat *Immunda sum*, Inftrumtum tantum Dotis eius disrumpebatur, & à Marito separabatur; Si verò constanter asseverabat, & periculum Juramenti, ac Potionis aquæ amaræ animosè facere intendebat, tunc ducebatur ad Portam Nicanoris Templi, & non quidem statim, & recta via, sed (ut notat Rabbi Maimonides in dicto *Sotah*) per aliqua temporis intervalla, circumducendo eam, si forte inter eundem sententiam mutare vellet;

*Pristin. de leg. Divin. cap. 15. fol. 200.*

*Rabbi Maimon. in Sotab. Oth. ubi sup. §. postquam fol. 41.*

*Oth. ib. §. si ad hæc dict. fol. 41. & segq.*

C

Pervenit

Rabbi Maimon. in  
Sotah. Oth ubi proxi-  
me.

Perventa autem ad portam Nicanoris in frequentio-  
ris populi coronam trahebatur, ibique omnibus orna-  
mentis denudata, nigris vestibus tecta, fune vimi-  
neo à Sacerdote cingebatur; Eamque ad conspici-  
endam quodcumque personarum genus mulierum  
specialiter admittebatur, hocque fiebat ad prædictos  
effectus (ut ait Rabbi Maimonides jam citatus) mul-  
tas, atque multas alias etiam solemnitates, quas  
brevitatis causa omitto, adhuc solummodo finem  
adiungendo, ut scilicet multiplicatis locis, ac vici-  
bus ea moneretur, ne pejeraret, spatiumque ei dare-  
tur, ut panitere posset, itaut etiam post Sacrificium  
factum postque eius nomen scriptum erat à Sacerdote  
in Libello, ac in actu, quo Sacerdos nomen eius  
abradebat à dicto Libello, permittebatur semper di-  
ctæ Mulieri dicere *Non bibam*, nec ad aquæ amaræ po-  
tionem cogebatur, & quod plus est, hoc ad subeun-  
dum periculum ne quibat propriam ducere Uxorem  
Maritus zelotypus quotiescumque volebat, Sed so-  
lùm quando urgentia inditia per Testes probata ha-  
bebat, quorum inditiorum qualitas, & quantitas ad  
probandum requisita in Milchna tali pacto præscri-  
buntur: *Si Maritus zelotypus coram duobus Testibus Uxori*  
*dicat, ne colloquere cum N. tamen cum ipso colloquatur, hic*  
*usque tamen licita est domui suæ. Et ad asum oblationis ad-*  
*mittitur; Sed si cum illo al. quod latibulum ingreditur, Et in*  
*eo tantum moratur, ut potest immunda fieri, non amplius*  
*Marito, nisi accedente potu aquæ amaræ licita est nec ad obla-*  
*tionis asum admittitur, Et si moritur eius Maritus Calcem*  
*extrahet, nec ad Defuncti fratrem ducitur. Clariusque*  
*huiusmodi inditia, & eorum probationes explican-*  
*tur ab aliis Rabbinis, præsertim Rabbi Ebezer, qui*  
*sic addit. Si Maritus zelaverit Uxorem, Et Zelum suum*  
*coram duobus Testibus ostenderit, scilicet; Si prohibu-*  
*erit Uxori loqui cum N. coram duobus Testibus ex ore iunius*  
*qui*

Mixt. num. 5. 14.  
Oth. ubi supra verb.  
aquæ amaræ fol. 40.

qth. ubi proxime

qui eam viderit ingredi latibulum, & cum illo pro tanto temporis spatio ut posset immunda fieri, vel si à Marito visa fuerit, possit mulier potari, & cogi ad iurandum. Et Rabbi Iehosua addit, nisi ipsa à Marito zelante, coram duobus Testibus zelata fuerit, visaque postea pariter sit à duobus Testibus latitare, & commorari cum tali viro, uti supra, non posse duci Mulierem ad iurandum, & potandum.

Oib. ubi proxime;

X. Quæ solemnitates, & cautelæ sicut mihi necessaria videntur in tali, & tanta re invocandi Dei testimonium, ita per eas nimis differre usum exigendi Iuramentum in nostra Praxi ab illo Sacri Textus fatendum est. Tunc enim deferebatur Iuramentum quando Mulier suspecta erat urgentibus indiciis, ipsaque indicia plenè probata erant per duos Testes, nunc datur non solum levibus, sed etiam nullis præcedentibus inditiis, & ad solam relationem personæ suspectæ, nempe Relatoris, ut egomet in aliquibus casibus practicari de stylo vidi. Tunc dabatur tantum ad instantiam Partis, quæ habebat Ius, nunc ad instantiam Fisci, quando nec etiam habet Ius interrogandi prætensum Reum super delicto. Tunc præventivè Causa deferebatur ad Magnum Senatum solummodo Hierosolymæ degentem, & in frequentiori populi corona, nunc datur, nullibi delata prius Causa. Tunc dabatur tantummodo in Templo à Sacerdote coram Magno Senatu, & omni populo, nunc ubicumque etiam in Lupanari, si contingit. Tunc prævio solempni Sacrificio, nunc sæpè præviis tantum sævitiis Birvariorum. Tunc à Sacerdote solum Sacramentum Nominis Domini inferebatur, nunc à Iudice non solum pedaneo, pedaneissimo, sed etiam à simplicibus Substitutis, & infimo Notario. Tunc per impositionem manus Sacerdotis super caput jurantis, nunc per simplicem

tatillum chartæ, itaut foemina, rudesque homines nesciunt quid faciunt, ut egomet nonnullos audiui asserere, *nos non juravimus, sed tantummodo tetigimus chartam*. Tunc Juramentum deferebatur, quando aliunde delictum probari non poterat; Nunc quando remanent, ut dixi, tot Remedia tantaque Cautelle legitimæ, de stylo, ac consuetudine, necnon arbitrarie ad probandum delictum. Tunc dabatur in hoc casu Zelotypiæ, juxta Textum, ibi, *Si Maritus deprehendere eam non quiveris. sed latet adulterium*, quo non intrabat pœna mortis, sed tantû separatio thori, juxta supra relata: & licet post juramentum, & aquæ amaræ potionem femur Adulterę dicatur computrescere, hoc tamen non ex humana pœna, sed ex Divina potentia in pœnam potiùs illius pertinaciæ, & perjurii, quàm delicti successisse dicendum: Nunc inferitur Juramentum in omnibus Causis Capitalibus, & Capitalissimis, ac quando agitur etiam de turpissima morte. Tunc tot, tantisque vicibus Mulier juratura per Senatum, & Sacerdotem priùs monebatur, ut caveret à perjurio, totiesque ei permittebatur effugere præstationē Juramenti, ac pœnæ periculum; Nunc illicò Reus cogitur ad jurandum, & si foemina, vel rudis homo, qui, ut dixi, nesciunt quid faciunt, immò cogitur ab hujusmodi Judicibus, ac Substitutis, & Notariis, inter quos utinam ullus adesset, qui verè sciat quid sit Juramentum, quidque moraliter importet perjurium: Tunc unica vice tantum præbebatur Juramentum jurare volenti: Nunc millies Reus cogitur ad jurandum. Et denique tunc summa charitate erga Deum, maximaque erga Proximum. Nunc nescio quid dicam. Sed tandem observandum est, quod non obstantibus tot, tantisque diligentis, solemnitatibus, & cautelis unicè inventis ad inducendam præventivam venerationem, ac perhorrescentiam Juramenti

menti, atque ad evitanda imminencia perjuria, nihil minus fuit omnibus prædictis derogatum à Sanedrin, idest Concilio Generali Hebræorum, referente *Rabbi Joacham B. m. Sabai*. Immo à dicto Sanedrin fratre auctoritate *Osę* fuit ablatum totaliter etiam usus potionis aquæ amarę, quamvis à Divino Legislatore Moyse præscriptus, hocque ad effugiendum evidens periculum perjurii, ipsaque multiplicia perjuria vitanda, quæ tunc cõmittebantur, ut refert Textus *Sotab.*

*Maimon. in Sotab. c. 1. fol. 4. Orh. in dist. Lexic. sub. verb. Adulter.*

*Osę Proph. 4. 16*

XI. Ad tertium verò Sacræ Scripturæ locum ex *Deuteronom.* ab Auctore sumptum descendendo Legem expurgationis Civitatis pro occulto homicidio à Moyse prolatam confidero jubentem, ut quoties inveniatur Cadaver hominis occisi, & ignoretur cœdis Reus, egrediantur Majores natu, & Judices. hoc est, ut explicat *Tostatus* Judices, & Majores Israel, non Judices, & Majores Civitatum proximarum; Hi verò Judices Maximi mensurabant, cui ex Urbibus vicinis vicinias cadaver esset, & Urbs vicinio debebat se expurgare cum Domino de tali homicidio occulto; Quæ propter subiungit idem Auctor, & venient Majores natu Civitatis illius, qui pariter erant publicæ personæ, videlicet Judices illius Civitatis, ut explicat idē *Tostatus*, & habetur ex eodem Sacro Textu. illique Seniores, seu Judices Civitatis, qui totam representabant Civitatem perfuncto Sacrificio à Moyse præscripto, ob id Expurgationis vocato, coram Sacerdotibus Levi, & Maximis Iudicibus Israel sic dicebant, *Manus nostræ non effuderunt sanguinem hunc, nec oculi viderunt, propitius esto Populo tuo Israel, quem redemisti Domine, & ne reputes sanguinem innocentem in medio populi tui Israel, & auferetur ab eis reatus sanguinis. Tu autem* (loquendo ad Populum Israel) *alienus eris ab Innocentis cruore, qui effusus est, cum feceris quod præcipit Dominus.*

*Maimon. in Sotab. c. 9. Orh. sub dict. verb. aqua amara h. a quo tempore.*

*Tostat. in Deuteronom. c. 21. pag. 193. col. 1.*

*Tostat. ibi. pag. 193. col. 1. in fine.*

*Deuter. dist. cap. 21; Num. 18.*

XII. Ex his autem per se ipsum (non repetitis etiam sigilla-



figillatim differentiis, & confrontationibus; quas in aliis Textibus adnotavi, satis patet nullatenus militare Textum hunc, quod clarius etiam emicat ex eo, quod omne id tendebat ad expurgandam Civitatem illam, & ad deprecandum Deum pro toto populo Israel, potius quàm ad iurandum, & hoc etiamsi iuramentum consistere dicamus, ut prætendit ipse Auctor in assertiva illa *Manus nostra*, erat namque iuramentum purgativum, non autem probatorium, nec ad eruendam delicti confessionem ordinatum, ut ipse Auctor fatetur.

XIII. Atque hinc non relevat illatio ab Authore facta, quod quamvis in isto casu perjurium de facili succedere posset, nihilominus in Sacris Testibus jurari prescriptum fuisset, quoniam dato etiam illud esse iuramentum, attamen quia Maiores natu, idest Iudices illius Civitatis, aut jurabant ut singuli, & quantum ad se, & nulla cadebat suspicio, quod ipsi fuerint Rei illius homicidii, ideoque non erat in eis adeò facile periculum perjurii, quale est, immò qualis est moralis evidentia in Praxi nostra; Aut vero dicti Iudices, ut patenter apparet, jurabant nomine totius Civitatis, tanquam repræsentantes omnem populum, & eo clarius tunc minus perjuraturi erant; vel ex eo solum quòd quando etiam ab aliquo illius Civitatis inventus mortuus occisus, vel visus fuerit, non perinde tota Civitas, & multo minus totus Populus Israel sanguinem illum effudisse dici poterat; Et tandem, ut plenius Authoris satisfaciamus, admittimus quoque quicquid ipse intendit; quia admissio etiam adhuc longius distare à nostris terminis, oculariter patet ex eo, quod hoc erat præceptum Domini per Divinum Legislatorem ad purgandam Civitatem illam, totumque Populum Israelis, & ideo subiungit Textus: *Et auferretur ab eis reatus sanguinis, tu autem* (loquendo ad Popu-

Populum) alienus eris ab innocentis cruore, qui effusus est . cum feceris quod precipit Dominus. Quapropter nullo modo applicari potest nostræ Praxi, cum imperscrutabilia Dei Judicia non sint comparanda humanis, iuxta illud Psalmistæ: *Judicia Domini verè iustificata in semetipsa.*

*Psal. 18. vers. 101*

XIV. Quartus denique, & ultimus Textus Sacræ Pagine faciliori responsione contentatur, cum ex sola accurata lectura totius Capituli ab Authore in parte tantum relati responsio per se ipsam resultat, quod brevitatis causa relinquo, sed unusquisque cerciorare se poterit. ipse namque Author dicit esse *præcisum exemplum Juramenti delati, pro detegendo scelere gravissima pena pleñendo*; Verum clarè apparet ex dicto Textu Josue, Juramentum non intulisse pro scelere detegendo, nec Josue Reum iudicasse: sed Deum, qui est æterna Veritas, qui mentiri non potest, & cui nihil occultum, quod non reveletur, delictum Achan Sorte præscripta detexisse, ipsumque Achan *Præscripta forma penæ*, atque supplicii tanquam Reum damnasse: Unde Josue se merè passivè habuit, mandata scilicet *Justitiæ Divinæ tantummodo exequicurando*, nec verba illa *Da gloriam Deo* grammaticaliter sumpta important Juramentum, sed ut explicat Cornelius à Lapide ab Authore relatus *Da veritatis, sive veracitatis bonorem primæ & æternæ Veritati, idest Iudicio Divino, sorte hac ostenso, confitendo scilicet reatum, verumque esse hoc Dei de te Iudicium, teque verè fontem, & nocentem, & reum Sacrilegij, ut tam nobis, totique Israeli, quam tibi, tuæque salutis æternæ, per penitentiam, & confessionem consulas, & prosis: confitere ergo veritatem, quæ Deum minimè latet, ac mihi Dei vices gerenti, teque juridicè interroganti, constringenti indica quid feceris; Sic enim si veritatem, verumque tuum Sacrilegium quod latet (intellige hominibus, non Deo) manifestabis, Deum glorificabis.* Eccine igitur ad quid Josue interrogavit Achan, nempe, ut æternæ Veritati daretur gloria, uti

*Josue cap. 7. per totum.*

*Art. 1. §. 6.*

*Cornelius à Lapide  
in dict. c. 7. Josue pag.  
36. vers. ....*

*Art. 1. §. 7.*

que

que ipse; & omnis Populus Israel possent sibi per poenitentiam consulere, & prodesse, non autem ad detegendum delictum, illudque vindicandum, dum à Deo detectum, iudicatum, damnatūq; jam fuerat, & Iosue in Achan, sive fatentem, sive negantem, Divinam sententiam mutare non poterat.

*Art. 1. §. 3.* XV. Quapropter cum nullus ex præfatis Sacris Textibus terminis nostræ Praxis adaptari valeat, non dicat quæso Auctor, quod ex illis *pateat imperatum à Deo pluries fuisse Iuramentum exigi ab omnibus suspectis de quolibet crimine, & quidem gravissimo, quale est Furtum, Adulterium, Homicidium, & inobedientia præcepto Dei, quamvis ex confessione maximè instaret Reo fama, bonorum, & quandoque vitæ jactura, ad quam avertendam, timeri prudenter poterat Reum peieraturum.* Siquidem sub his titulis verè delicta in Sacra pagina enunciata reponenda non sunt: In primo namque capite potius de Truffa, quàm de Furto agitur, & si de furto, cum solummodo instaret poena dupli: In secundo non de Adulterio, sed de Zelotypia, etsi mulier confitebatur etiam Adulteriū, dotis amissione, ac separatione thori tantum puniebatur. In tertio non de homicidio, sed de expianda Civitate, & Populo Israel pro cadavere invento hominis mortui ex causa occulta, qui etiam si ab alio necatus fuisset, non exinde tamen intrabat poena mortis, dum in aliquibus casibus tolerabatur, pro quibus quatuor Civitates Refugii constitutæ fuerant à Divino Legislatore, ut etiam vindicta Consanguineorum occisi, occisores innoxii viverent. Et in quarto quamvis agatur de transgressione Divini præcepti, Reus tamen nō ab homine, sed à Deo ipso processatus, iudicatus, & condemnatus apparet. Consideret ergo Author quæso Cui, Quomodo, Ad quid, & Quibus in Causis Iuramentum in Sacra Pagina inferebatur.

XVI. Jam enim per nos transeundum ad secundam par-

*Deuter. 4. 41. Iosue.*

*10. 7. Deuter. 10.*

*2. Iosue, 20. 2. Iosue capit. 7.*



partem assumpti Authoris; in qua relatam consuetudinem Juramenti Reis deferendi in Canonicis, ac Civilibus etiam Sanctionibus fundari asserit: Et quoad Canones brevissimè me expediam, quia ex lectura eorumdem responsio ipsa promanat. Primò namque pro fundamento dictæ suæ propositionis assert Author *Capit. ex Litteris de iurejurando*, sed hoc nil commune habere cum terminis nostræ Praxis Criminalis convincitur, idque clarius per se ipsum fulgeret si Glossam in eodem *Capitulo* refferre non omisisset, quamego per extensum exponam, ibi: *Iuramentum istud de dicenda veritate præstatur solummodo in Spiritualibus Causis, ut supra Cap. dudum 2. de elect. Iuramentum enim de Calumnia in talibus non præstatur Cap. Litteras de Jurament. Calumn. requiritur etiam à Prælato Ecclesie de Consuetudine, præcipuè cum de facto proprio agatur, alias non videtur quod Prælatius sit interrogandus, ut supra Capitulo Dudum; Et per istud Iuramentum respondetur tantum de eo quod sit Unde debet simpliciter respondere Scio, vel Nescio: Sed per Iuramentum de Calumnia respondetur de eo quod credit, vel existimat, cum requisitis illis qui continentur in Verbis productis pariter à Glossa in Capitulo Inherentes 1. de Iuramento Calumn. Unde ex præmissis notandum quantam obligationem inferebat hoc Iuramentum de veritate dicenda, quia sicuti Teste *Plutarco* apud Romanos Sacerdotibus, sola Assertionem judicialiter credebatur, ita per prædictum Jusjurandum respondere solummodo Scio, vel Nescio obligabatur; Deindeque videat Auctor, quibus in Causis, & quando id Iuramentum exigi licebat, quia ex eodem *Capitulo* non dabatur nisi in re quasi notoria, & in subsidium quando aliunde probari non poterat; sicut ibidem ad liquidandam sortem mutui de Bonis Ecclesiasticis, ex quo inde Usuræ probatæ jam*

D

appare-

*Cap. ex Litteris supracitatis. ubi Glos. Verb. Veritate.*

*Art. 1. §. 11.*

*Illud iuretur, quod  
lis sibi iusta videtur.  
Et si queretur verum  
non inficitur.  
Nil promittetur nec  
falsa Probatio detur,*

apparcbant, Sortis vero quantitas per Testes haberi non poterat.

XVII. Minusq; convenit ex prædictis omnibus circumstantiis alter Textus in *Cap. cum Dilecti* 18: de accusat. Sed si quid per dictum Textum firmeretur confideremus, patet hunc etiam longius distare à terminis nostre Praxis: immò ex ipsomet resultat abusus Juramenti à nobis praticati, atque abrogandus convincitur.

XVIII. Firmat etenim dictus Canon, quod si quis juravit de dicenda veritate, non admittatur amplius ad excusationes proponendas contra propriam confessionem, sed definitur causa per condemnationem eiusdem Rei confessi in pœnam delicto condignam; Sicut è contra habetur in toto *Titulo de Purgatione Canonica*, quod si quis medio Juramento se Innocentem de objecto Crimine asserbat: tunc pariter definitur Causa, & liber prætensus Reus dimittebatur. At in nostra Praxi nec definitur Causa, nec condemnatur, vel absolvitur Reus, etiam si medio Juramento sub prædicta forma Innocentem, vel Sontem millies se probet; [A] si enim fateatur delictum, datur ei semper *Terminus ad dicendum contra propriam Confessionem*, quamvis medio tali Iuramento de veritate dicenda emanatam, ac in eo termino, si Reus se falsum dixisse probaverit, modis supra relatis absolvitur, absque ulla periurii animadversione: Si vero Confessionem impugnare non valet, huiusmodi Confessioni non perinde tamen totaliter creditur, sed Fiscus ex proprio officio in omnibus eius partibus, tum *ex Ante*, tum *ex Post*, [B] eam verificare tenetur, ita ut si in aliqua relevante parte non verificabit, licet in multis verificata appareat, non totaliter illi creditur ad effectum ut possit tota pœna delicti infligi; quod videtur quidem prima facie

A) Reo confesso statuitur terminus ad dicendum contra propriam Confessionem etiam non petiti Clar. Præf. Crim q. 65. vers. 1. in fin. et q. 49. vers. sed nunquid n. 4. et vers. est igitur n. 13. Angel. de malefic. verb. qui iudex in princip. Burfat. conf. 216. n. 229. Cartar. de exeq. sent. cap. Barmitt. c. 1. a n. 115. Farinae q. 39. n. 32. Baiard. ad Clar. in d. q. 12 n. 49. Ambrosin. process. inform. lib. 4. c. 15. n. 36

B) Soccin. in cap. qualiter et quando 2. n. 975 de accus. Per magistrol. conf. 18. n. 18. et conf. 19. n. 9. Farinae q. 2. sub nn. 30. circa med. et q. 81. nu. 30. Sperell. decis. 108. n. 1. Angel. de conf. lib. 3. q. 12. n. 18. ubi ratio quia non potest esse testis contr. seipsum a levis debeat etiam verificari ex parte poss. ut plures de Praxis text. Farinae. loc. cit. & idem dum erat Locumtenens in Civitate vetula relaxavit quemda furem qui confessus fuit factum, & in divers. loc. indicavit nec ibi repertum fuit ut restatur q. 2. sub. n. 13. circa med.

facie æqualitatem inducere inter Reum, & Fiscum; imò, ut ita dicam, mitiorem ostendere nostram Praxim Decreto illius *Capituli*, dum in eo præcipitur, quod Reus, post Confessionem cum Juramento de veritate dicenda, non admittatur amplius ad excusationes proponendas, sed illicò condemnetur: Utinam nihilominus potius servaretur rigor dicti Canonis, quam *Æqualitas*, quæ in nostra Praxi servari videtur, & in rei veritate quam plura inconvenientia involvit, quorum aliqua liceat mihi considerare ad nostri propositi determinationem.

XIX. Primò enim considerare non in congruum sanè est inutilitatem Juramenti, dum neque pro, neque contra nihil valet: Respectu Rei, cui non vetat certum modum sese defendendi probando falsam suam Confessionem, nec respectu Fisci, cui non tollitur ansa probandi suam intentionem alibi, quam ex Rei confessione iurata, dum tenetur, ut dixi, sigillatim in omnibus partibus illam, quamquam sub hoc iuramento emanatam, verificare.

XX. Secundò notandum venit non improprium inde oriri scandalum ex eo, quod in Criminalibus Sacramento Veritatis minimè, credatur; dum tam pro parte Fisci, quàm pro parte Rei probationes semper admittuntur, & quavis medio Juramento quis se fateatur Sontem, tale tamen crimen non perinde creditur; sed verificanda est per Fiscum tota eius confessio:

XXI. Tertiò denique quod crimen Periurii parvipendatur, si Convinctus, vel Confessus de periurio non punitur, ut leges exigunt, & quod magis mirandum per solitam assignationem termini *ad dicendum contra propriam confessionem Rgo*, videtur si non stimulari, saltem permitti, ut ipse Reus impunè curare possit se ostendere periurum, & ita probando gravius delictum, minoris delicti poenam

effugere, ipsumque Periurium pro Remedio, non pro Delicto sibi computatur: Quapropter posset, ut dixi, contra nostram Praxim juridicè sic argui.

XXII. Aut Sacramentum veritatis, scilicet Juramentum de Veritate fatenda obligat, aut non obligat: Si obligat, utrumque Fiscum, & Reum obligare debet; primum nempe ad credendum, secundum ad fatendam veritatem. Quare igitur non dimittitur qui medio Juramento se Innocentem probat juxta dispositionem totius tituli *de Purgat. Canonica*, vel quare non condemnatur qui medio juramento se se nocentem fatetur, absque eo quod ulla alia verificatione opus sit Fisco, & absque eo quod ulla Excusatio admittatur pro Reo, ut in dict. *Cap. cum dilecti* præscribitur?

XXIII. Aut Juramentum non obligat; & quare exigitur? Quare nomen Domini in vanum invocari non tantum permittitur, sed cogitur, etiam cum evidenti periculo, quod violetur falso testimonio? Quare nomen Domini periurans non punitur, sed juxta sententiam Pragmaticorum Criminalium Deo ultiori crimen periurii vindicandum relinquitur? Nonne alia crimina non habent quoque Deum ultorem? Interest Reipublice detegere Crimina etiam leviora, ut puniantur, & maiora jam detecta nempe Perjuria non puniuntur? Sed si magis interest Reipublicæ Usus juramenti, quàm eius totalis Abrogatio, servetur igitur forma præscripta à singulis Canonibus per Authorem citatis, & præcipue post Juramentum de veritate dicenda amplius Probationes, neque pro Fisco, neque pro Reo admittantur, sed definiatur statim Causa vel puniendo, vel absolvendo, prout prætenus Reus medio tali Juramento in Confessione, seu in Negativam obiecti Criminis persistat. Videat denique Author quænam maior utilitas esset pro Fisco, & eligat: Utroque etenim modo saltem Praxis nostra vindicata, eyade-

evaderet ab obiurgationibus ipsorum etiam Criminalistarum eam improbantium inter quos liceat exclamare cum *Marsilio* quod *numquam mihi placuit, nam videtur continere iniquitatem.*

*Marsil. in l. que habende ff. de quest. sub. num. 73.*

XXIV. Sed ad alios Canones per Authorem citatos redeundum, quos tamen particulariter non referam, cum omnes ex *Titul. de Purgat. Canonic.* deprompti appareant, cui toti Titulo cum jam implicitè satisfactum ex suprapositis per nos fuerit, unum tantum pro peculiari responsione hic adnectendum superest, quod *per plures Canones*, \* usus Juramenti nullibi permittitur immò expressè, & absolute prohibetur, quoties periculum Periurii adesse possit; idè eundem *Marsilium* semper laudandum censeo, qui ad evitanda perjuria cum examinare Reos ei contigit, & prompti ad perjurandum sibi esse videbantur, Cautelam invenit proponendi, & non exigendi Juramentum; Qua optima quidem Cautela Ego quoque usus fui, dum Commissarius Generalis pro Sanitate in Provinciis Sabinae, & Montanae præpositus examinibus Reorum interesse aliquando non effugiebam.

\* Cap. 1. & 2. de jurur. in 6. Cap. Clericos de cohabit. Cleric. & mulier. ubi Gözel. dat. concord. Marsil ubi sup. Serrabbi. de jurament. priv. 1. num. 32. & seq.

XXV. Absolutis Canonibus brevius à Civilibus Legibus me expediam cum, ab Authore nullam ex illis citatam inveniam, ideoque absque contradictione asserere prosequor, in nullo Textu Civili inveniri posse fundatam talem Consuetudinem ad terminos nostræ Praxis deferendi Reis juramentum: Eoq; fortius cū sint multæ Leges \* specialiter prohibentes Juramentum deferre quoties adest perjuri periculum: Et hinc cū nullo Iure nec Divino, nec Humano præfatus Usus permissus reperitur, jure quidem meritò Abusum, & Corruptelam eum diximus; Idè ut evidentissimè appareat, ad idem confirmandum, quantum angustia temporis in scribendo mihi permittat, originem huius Corruptelæ ipsius Usus Juramenti in Judiciis ostendere conabor.

L. 2. Cod. de indic. vid. roll. L. qua sub conditiones 8. de condit. inst. l. non dubitamus 20. de condit. & de moust. cum aliis per Torr. de pact. fut. succ. cess. lib. 2. c. 22. num. 143. Michalov. de position. c. 13. nu. 5.

Nota quod in septè diebus totam hanc Scripturam confeci.

AR.

## ARTICULUS III.

*Historia Usus Iuramenti in Iudiciis offertur, ac eius Corruptela, quando, & quomodo introducta ostenditur.*



**I**N Sacro Textu (sicuti demonstravimus,) dabatur Juramentum ad dirimendas Lites, dabatur præcedentibus Iuditiis, dabatur quoties non intrabat adeo magni periculum Perjurii, dabatur in subsidium Innocentiæ, dabatur ad totaliter definiendas Causas, & pro exuberanti Purgatione denique Juramentum exigebatur: ita ut unico illo casu, nempe Zelotypiæ, in quo ulterior purgatio per potum Aquæ Amaræ exigi consuevit, cum ipsius Juramenti Usus in Abusum declinasset sublatus fuerit.

*Cic. pro Rosc. Plac. dialog. 12. de Legib. ex Menoch. de arbit. iudic. lib. 2. cent. 2. cas. 192. num. 3.*

**II.** Idem evenisse apud Græcos culligitur cum usus Juramenti in Iuditiis primò extiterit, ut habetur ex *Cicerone* At deinde à *Divino Platone* in suis Legibus totaliter quoque ablati sunt eo quia facile periuratos crediderit.

*Pluta. per Salmer. 10. 5. tract. 4. pag. 144 §. in primis. In cômēt. ad Evāg. & Act. A post. ut citat ipse Au. Gior. in sua scrip. art. 1. n. 10. id. Plutar. q. Roman. tom. 2. pag. 275.*

**III.** Apud Romanos (ut supra retulimus) teste *Plutarco* Juramentum à Liberis, & Civibus exigebatur, Sacerdotibus solum verbum sat erat, Servis verò tale privilegium iurisiurandi non permittebatur, sed tormentis Veritas ab eis exquirebatur, ita definiendo Causas, vel per simplex dictum, vel per *Iusiurandum* vel per *Tormenta* iuxta qualitatem personarum: & quidem Causas omnes non solum Civiles, sed etiam Criminales, teste *Vulpiano*, tantaque reverentia religio Juramenti observabatur, ut *Paulus* dictum requirit, *Juramentum maiorem habet auctoritatem, quam ipsa res iudicata*, & summa etiam veneratione, cum contra Juramentum probationes numquam admittebantur; nam licet ex *Cajo* habeamus, quod ex Constitutio-

*l. ai Prator. ff. de iuriurando.*

*l. iusiurand. ff. cod.*

tutionibus Principum ex integro Causam agere permittebatur, hoc tamen adeo maximis conditionibus indultum apparet, ut potius Juramenti religio, quam abusus dici mereretur: Non concedebatur enim actionem Juramento absolutam reficere, nisi tribus concurrentibus requisitis: Nempè quod à Iudice esset definitivè absolutus, qui Iuramentum præstiterat, quod in negotio resolutum per Iuramentum nulla transactio præcessisset, & quod novum instrumentum inventum fuerit, quo solo Agens uti poterat, ita ut potius nova, quam eadem Causa dici posse videretur.

IV. Æquissimis autem hisce Moribus in Italia, totoque Romano Orbe vigentibus, Longobardorum barbaries Imperio declinante hominum mores invasit, Sexto præsertim Sæculo, vix compilatis à Justiniano Legibus, quo tempore quamvis ex [a] Codice Longobardorum reperiatur permissum fuisse vivere ad libitum vel Romanorum, vel Longobardorum Iure: Romanas tamen Leges siluisse dici potest usq; ad duodecimum circiter Sæculum, quo ex mandato Lotarii Secundi Saxonis, instante Comitissa [b] Mathilde super Pandectis Amalphi in Apulia jam tunc prius [c] repertis Legales Accademiæ Bononiæ incohatae fuere.

V. Quam vero labem ex hac Longobardorum barbarie antiqua Methodus Iudicialis contraxerit, ab eorundem Legum Codice facillimè recognosci valet. Verùm enim verò primis eorum Legibus summa veneratione Iuramentum quoad eius Finem, non autem quoad eius Usus religiosissimè observatum fuit, adeo ut qui causam iudicatam in [d] Mallo, idest in Iudicium coram Comitibus repetere tantummodo præsumpisset quindecim solidos solvere, vel à Scabinis qui Causam ipsam prius iudicaverat, quindecim ictus accipere tenebatur.

VI. Duobus enim modis definiebatur per eos Causæ; aut

*L. admoventi § 1. ff. cod. l. furri § qui iura ff. de his qui not. infam. l. si duo § item ff. de iurciur.*

a) *Tis. ut Inter. Pap. Rom. qua L. velit vivere, l. Regis Holotharii & tis. Qualiter Diversi leg. bon. res suas defend. deb. L. 1. & 2. Cod. Longob.*

b) *ex addit. opusculis ad Comment. Marbei, Pusembes. in Instit. Imp. editionis Patav. cap. 4. de his seu progressu Iur. Civ. Rom. ex Iacobo Gotofredo L. C. Card. de Lus. sub tit. de servis. disc.*

c) *Anno D. 1136. 4*

d) *L. un. Tit. de his qui caus. iudic. repetere præsump. c. Longobard. in Mallo idest Mains Placitū quod à Comitibus tenebatur, vide Glaf. Frid. Lindenburgi & Erben Mallum.*

a) Toto titulo qualiter quis se defendere debeat de Gandis, & in quibus causis pugna prohibetur vel fieri debet in C. Longobard. Ferret. in addit ad Bart in controu. Iur. Civil. & Longobard. rubr. fol. 4.

b) Tit. sup. l. 1 & l. 19. Reg. Astulphi Septuaginta solidi libramauri constituebant. l. quoties. C. de suscep. & arc. Ferret. ubi sup. dist. rub. 2. fol. Cod. Theod. si ti. 25.

c) L. 5. & toto tit. qualiter supra citat.

d) Tit. sup. l. si quis 6. & l. 16. R. g. Luit. pram.

e) dist. tit. C. Longobard. Ferret. in Variet. Iur. Civ. & Longob. rubr. de duell. fol. 12. idem de duell. Paris de Puro. caterique omnes de duello tractantes.

f) Tot. tit. de Purg. Vulgar. Frid. Lindenb. in Glos. C. l. Antiq. P. iudicii. Aque & P. Crucis iudicium

g) L. si quis, & tot tit. de Parric. in d. C. Longobard. Ferret. ubi proxime rub. de Parric. & ind. ferri candentis & aqua feru. & frig. sublat. fol. 8. tit. extra de purgat. Vulg. 2. q. 1. per tot.

h) L. decet imperiali de homic. lib. 1. si quis de parricid. C. Longob. c. 1. si rusticos de parricid. tenen. cum aliis sup. relat. per Ferret. ubi sup. fol. 12. a tergo n. 5.

faci; aut nempe per Iuramenta, aut per Corporis Experimenta. [a] Iuramentis definiebantur Causae levioris summe, leviorumque indiciorum, iuxta qualitatem eorum, ac personarum: aliquando nempe per simplex iuramentum inculpati, dum minor duodecim solidorum [b] poena intrabat laxissimaeque aderant probationes: Aliquando verò per Sacramentales, hoc est per Advocatos Coniuratores; seu Testes ad iurandum adductos, \* quando scilicet Delicta erant semiplenè probata, regulando istorum Sacramentalium numerum à quantitate poenae, hoc pacto: [c] Si duodecim solidorum poena intrabat, Sex Sacramentales adhibebantur, si ultra duodecim poena erat, duodecim Sacramentales requiri solebant, quorum medietas una ab Accusatore, altera à pratenso Reo semper eligebatur, & ideo licet, ut dixi, immutatus non fuerit Finis Iuramenti in eo, quod Causae per ipsum definiebantur, nihilominus coepit violari eius Usus, cum Sacramentales contra Sacramentales, & Iuramenta contra Iuramenta darentur, ea tamen Cautela adhibita, [d] ut omnibus, qui iuraturi erant, duodecim Noctes ad reflectendum permitterentur, quae etiam, ubi opus erat, usque ad triginta prorogabantur.

VII. In gravioribus autem delictis, urgentibus maximis iudiciis, experimenta corporis adhibebantur Monomachia [e] scilicet, seu execrandum Duelum, quod inter Accusatorem, & Reum fiebat, seu [f] Aqua frigida. vel calida, Cruce, Ferro, aut Vomere candente, & similibus Reus experiebatur; observata differentia inter Liberos, & Servos, quod istis [g] cum nec giurare, nec duellare permitteretur tantum Purgatio per alia corporis experimenta praecipue Ferri, aut Vomeris candentis indulgeretur.

VIII. Haec autem corporis experimenta ex eo, quod ad commodum expediendi statim Causas, etiam gravissimas,



gravissimas, & ferè probatas fomentum sumendo à Sacrificio, & Purgatione Zelotypiæ in Sacro Textu præscriptis tendere viderentur, [a] adeo recepta fuerè, & tractu temporis ita cõvaluere, ut etiam Purgatio per Sanctiss. Eucharistiam [b] quandoque admissa fuerit: Ac non sine labore, maximaque constantia Sanctiss. Pontifices vix ab iis Ecclesiasticos defendere tum oppugnando, tum derogando potuerint. [c]

IX. Tali pacto intactus finis Juramenti permanfit etiam inter Barbaros, licet ejus usus aliquam mutationem, uti supra, contrahere cõeperit, donec tandem sub tempore Luitprandi Regis majus incrementum ejusmodi mutatio reportavit ex eo, quod cum ad evitanda perjuria speciali lege præfatus Luitprandus [d] sanciverit, quod Convinctus de perjûrio pœnam quandam pecuniariam nomine VVidrigil solvere cõgeretur, alteram nempe medietatem applicando Regis Fisco, alteram Parti, seu Accusatori: & si quis VVidrigil solvere nequibat, quod pro Servo daretur: [e] Hæc lex, quæ inimica perjûri videbatur exavaritia tum Accusantium, seu Partium, tum Castaldorum, seu Sculdais, sive Scabinorum, qui Regis Officiales, & Judices subordinati Comitibus erant, perjuriorum fomentum passim devenit.

X. Tunc enim aucta fuit corruptela admittendi probationes pro, & contra Juramentum, itaut licèt prima Lis per Juramenta definiretur, per eadem Juramenta ulterior materia litibus multiplicabatur, & non magis pro eruenda veritate, quam pro indagandis perjuriis Iusjurandum adhiberi, probationes contra probationes, Juramenta contra Juramenta tum à prædictis Judicibus, tum à Partibus, seu Accusatoribus pro VVidrigil exigendo pro VVidrigil evitando excitari, atque admitti passim incoepit.

XI. Quamobrem unusquisq; multis Testibus etiam  
E median-

a) Ut habetur in *Causa 2. quæst. 5. post. cap. Consulisti de infam. ubi in Palea registratum legitur per extensum præcisat. Nemo. ror. c. 5.*

b) Conc. Phormaciæ. *Can. 15. relat. in cap. Legge corrigis. 2. q. 5. Natal ab Alexander. in sua Theolog. dogmatic. lib. 2. p. 2. de Eucharist. cap. 5. prop. 4. regul. 7.*

c) *Tot. tit. de purg. vulgar. c. 2. q. 5. per tot.*

d) Anno 717. *Sigon. de Reg. Ital.*

e) *L. prima de test. c. L. 1. de Perjuris. Cod. Longobard.*

*Feret. de ver. signifi. Jur. Longobard.*

*Tot. titul. qualiter quis se defender. deb. C. Longobard.*

mèdiantè pecunia se munire attente curabat, unde expulsi Longobardi per Carolum Magnum octavo tandem sæculo, idem statim mandavit, ibi, *ut Testes ad testimonium præmio non conducantur*. Et superiùs, *non liceat Litigantibus per præmia falsos Testes adhibere, sicut hætenus fieri solet*, multasque alias pro evitandis perjuriis leges condidit, solemnitatesq; in deferendis Juramentis auxit, atque rigosiorè pœnam in peierantem inflixit, ut nempe aut dextera obtruncaretur, aut pretio eam redimeret; quæ pœna soli Falsariis Legum à Rothario per antea constituta fuerat: Verùm cum ab ista lege secuti à prædicta pœna VVidrigil potiùs multiplicata pariter essent Juramenta contra Juramenta, & exinde perjuria, Ludovicus Caroli filius sancivit, quod ubi Juramentũ de contrario daretur ambo in simul pugnare cum scutis, & fustibus tenerentur, & succumbenti dextera omninò amputaretur: Ubi autem hinc inde plures essent Iuraturi, quod unus ex utraq; parte eligeretur ad præfatum duellum, & succumbenti pariter dextera amputaretur, alii autem ex parte succumbentis quod pretio eam redimere possent:

XII. Sic hætenus ex Barbarorum legibus in Iudiciis Criminalibus processum fuit tantum ad instantiam Partis recurrentis, tum illius, qui jus habebat in Causa, tanquam principalis veluti ob homicidium suorũ, furtum, rapinam, vel similia passa, tum illorum, qui sponte sua, vel pro participatione VVidrigil accusabant. Pipinus ergo ejusdem Ludovici frater modum procedendi *ex officio Iudicis* instituit, constituendo per Civitates, & Loca Ministros, quos homines *Credentes* vocat, quique cum iurare de fideliter officio gerendo tenerentur, ii videntur hodie, qui multis in Lombardiæ locis *Iurati*, ac alibi *Sindici*, sive alio sub nomine appellantur: Debebant namque, sicut hodie isti quæcumque delicta denuntiare, & ulteriùs tum incul-

patos,

L. 5. & 6. de Testi.  
in Cod. Longob.

L. 2. tit. supracis.

\* L. 1. & 2. de his qui  
cart. falsi. contr. leg.  
script. C. Longobard.

L. 10. de Testib. Co.  
Longobard.

L. 11. Tit. sup. cis.

Pipin. ille, qui Ca.  
voli M. s. l. vide L. 25.  
de Epif. & Cler. Cod.  
Longobard.

L. 15. tit. de Off. Ju.  
dis. Cod. Longobard.

patos, tum recurrentes, seu accusantes, nec non utriusque Partis Testes coram Iudicibus ducere: idemque Pipinus iuramentum in manu Iudicis præstari instituit, quod antea supra \* Sancta Evangelia, uti Rex Rotharius imposuerat, vel supra Arma Sacrata, aut Reliquias Sanctorum semper in Ecclesiis, & nisi à Ieiuniis iuxta mandata Caroli Magni dari consuevit.

XIII. Hoc igitur tempore dum Abusus Juramenti ex Iure Barbarico per judicia grassabatur, nostra Tribunalia primam Methodum procedendi in Criminalibus incipere; Idque clariùs convincitur experientia ipsa, qua videmus: quod Venetiis, quæ Civitas duodecim ab hinc sæculis orta, unica ex tota Italia à Barbarorum iugo illesa remansit, nunquam talis abusus deferendi Reis Juramentum adhuc practicatus invenitur, immò puniuntur Ministri, & annullantur Processus si incautè non tantum Reo, verum etiam cum eo interesse habentibus iuramentum delatum fuerit.

XIV. Sed cum reperiatur in Iure Canonico quoddam Iuramentum de veritate dicenda, & Author pro sua sententia potius in ejus nomine, quam in essentia fundatus, insistat; Nihilominus, & id quoque à Consuetudine, seu Corruptella à Barbarorum Legibus proveniente primum ortum duxisse colligimus.

XV. Et sanè cum Imperator Justinianus (qui (ut se jactat [a]) invenit Iuramentum Calumniæ) quamquam genericè jussisset; ut omnes Principales Personæ post litem contestatam [b] tale Iuramentum præstarent, numquam tamen Clerici ad id coacti fuerunt, attento prævio edicto Imperatoris Marciani [c] ubi Clerici in Iudiciis iurare eximuntur; Quia [d] Ecclesiasticis Regulis, & Canone à Beatissimis Episcopis antiquitus instituto Clerici Jurare prohibentur.

E 2

Qua-

\* Tit. qualiter quisque se def. debet. sup. cit. l. 1. § 6.  
l. 2. § 6. de Test. c. Longob. l. 21. tit. Qualiter & c. sup. cit. ubi ponit. etiam forma inramenti.

Prat. Prior. nec cass. crim. § dello spergiuro.

a) l. 1. § c. de iur. propter Calum. Oinost. instit. lib. 4. tit. 16. de iuram. calum. v. 6.  
b) l. cum & lud. c. de iur. propter Calum. Autent. Lisig. n. 10.  
c) c. de Epif. & Cler. l. cum Cler. vers. quod si lit. Glo. opt. in l. uni. c. de profes. qui in Ver. Constan. Marcianus, legend. quamquam c. Inherentes. de iuram. Calum. Marcus dicitur, ut recte ibi admoner. Constantius & habet. c. de Epif. sup. cit. idèque Marcianus est qui regnavit cum Valentinianno Tertio,

d) 2. quest. 3. in novo & 2. quest. 5. si quis præs. 22. quest. 5. capis. ultim.

a) *Ex Cap. Juerentes de Iuramen. calum. ubi glos. Verb. canonib. cap. Juerentes 1. de Iuram. calum. & ubi glos. in casu.*

b) *Cap. sup. cit. ubi Glos. in cas. vers. Unū statuit.*

c) *Cap. litteras de Iuram. calum.*

d) *Federicus, vulgo Barbarossa, Henricus eius Filius, & Otho IV. ab ann. 1152. usq. 1221.*

e) *Paris à Pnt. Añ dñl. Ferret. de Duell. & dñs àsq. de hoc trac. Legus ut inf.*

\* Apud Saxones tunc Eporis inter ceteras Purgationes Vulgares una fuit, ut in Questionibus Honoris utrique Litigantes in Lacu seiciebant, & qui demersus remanebat in profundo, pro innocēte reputabatur, qui vero super aquas adhuc vivus redibat, tamquam & à tali Elemēto reiecto, culpa ascribatur, & puniebatur Ioan. Laffonius de Nat. Conflant. Memb. 7. punct. 2.

f) *Corradus Lagus in trad. r. methodica utriusq. iuris par. 5. c. 18. nu. 6.*

XVI. Quamobrem exinde sub Imperatore Divo Henrico, cum oriretur controversia (a) an generalitate præfata legis Justiniani Clerici quoq; comprehensui fuissent. Cum Marciiani Edictum de Constantinopolitanis Clericis promulgatum, & ad ceteros Clericos non pertinere dubitaretur: Idcirco dictus Henricus hoc ad omnium Ecclesiarum Clericos indistinctè spectare declarando, præcisè mandavit: (b) *Quod non Episcopus, non Præbyter, non cuiuscunque ordinis Clericus, non Abbas, non Monachus, vel Monialis in quacunque Causa Criminali, vel Civili Iusiurandum Calumnie subire cogetur*

XVII. Hoc itaque Privilegium Personale Clericorum primò equidem ex consuetudine auctum fuit; cū extenderetur etiam ad omnes Materias, & Causas, in quibus de Ecclesiis, Decimis, & Rebus Spiritualibus agebatur; itaut Eugenius Tertius, stante insuper dicta Consuetudine, in iis Causis Iuramentum Calumniæ nec recipi: nec præstari (c) decrevit; Sed hoc quoque suas adversas vicissitudines ex moribus, seu Corruptella sæculi reportavit, dum Federico, & Henrico eius Filio natione Suevis, atque Othone IV. Saxone (d) imperantibus notum est non solum quas perturbationes Ecclesia passa sit; Verum etiam quàm communia in iudiciis fuisse iuramenta, (e) seu corporis Experimenta \* à prædictis Barbarorum Legibus derivata: Propterea & præfactum Privilegium Clericorum, iis præsertim temporibus, violatum remansit, cum loco Iuramenti Calumniæ illud de veritate dicenda inveniretur, ut docet *Lagus*, ibi: (f) *Cum Imperatores honorificè sentiendum de Religiosorum ordine indicassent, eius reverentia hoc tribuerunt, ut Clerici non possent cogi ad præstandum Iuramentum Calumniæ, quasi iniquum esset de eorum innocentia tale quid suspicari: Unde postea quoque inolevit, in loco eius Iuramenti Clerici iurent de veritate dicenda.*

† Et

\* Et equidē tunc Innocētius Tertius statim cum Pontificatus Apicem ascenderit, prædictos Abusus viriliter oppugnavit. Primò enim, ut ipse ait, Purgationes Vulgares, & præcipuè execranda Duella expressè prohibuit. (a) Multaque præterea circa Juramenta sancivit, ut videre licet eisdem *Titulis* (b) ab eo pro maiori parte confectis, inter quæ, cum forsam ex constitutione temporum opportunè omninò abrogandum illud de veritate dicenda non iudicasset, ad trutinam tamen simplicis Purgationis Canonica idem reduxit, dum suppletivum, & definitivum fore decrevit, & ne eidem contrariæ Probationes seu Excusationes amplius admitterentur sancivit, ut in *Cap. Cum Dilecti* (c) per Auctorem sup. cit.

XVIII: Ita pariter Honorius Tertius eius immediatus Successor *cap. ex litteris* ab Auctore quoque allatum, in eo particulari casu Usuræ Archiepiscopi Colocen-  
sis, quæ per famam notoria jam erat, & ubi omnia requisita ad exigendam Purgationem Canonicam aderant, cum à suis Delegatis monitus fuisset non aliter quam per Juramentum de veritate dicenda eam Causam definiri posse; necessitate itaque ductus, ut ipse declarat: *ne defectu talis Juramenti, Iustitia, (occultata veritate) succumbat*, id præstare mandavit. Ex adversò tamen pro Immunitate præfacti Privilegii Clericorum Federico secundo Ecclesiasticæ Auctoritati adeo infesto, intrepidè resistit; Quia cum iterum insurrexisset eadem prætenso, ut sub prædicta Justiniani Lege Clerici quoque comprehenderentur, & cum idem Iustinianus aliundè decreverit. *Canones Patrum \* vim etiam Imperialium legum habere.* Honorius equidem tali facultate utendo, non tantum Auctoritate Pontificia, sed & Imperiali inretractabiliter definivit: *ut cuiuscunque ordinis Clericus in quacunque causa Civili, seu Criminali Jurandum non compellatur qualibet ratione subire, sed alios ad*

\* *Annot. Legli Sub*  
*Federic. & Henrici*  
*atque Othone IV.*

a) *Cap. 1. de Purg.*  
*Vulgari.*

b) *Vid. Tit. de Inve-*  
*niunt. de Juram. Calum.*  
*de Purg. Vulg. de Purg.*  
*gat. Can. & de Acus.*

c) *Dist. cap. 18. de*  
*Acusation.*

*Ex litteris de jur. iur.*

*Federicus secundus*  
*Suevus Federici, Pul-*  
*gò, Barbarossa Nepos*

*Ca. Inerentes de jur*  
*Calumn.*

\* *In Auth. de Eccl.*  
*cis. in princ. Coll. 9. &*  
*in Auth. ut Clerici apud*  
*prop. Epif. § illud coll.*  
*6. per Glos. in cap. In-*  
*eren. sup. cit. verb.*  
*Vim.*

*boc liceat eis delegare, quatenus Ecclesie suæ expedire noverint, obrenta tamen prius ab eorum Superioribus licentia.*

XIX. Hoc actenus circa & præfactum Iuramentum de Veritate dicenda. Cæterum quo fundamento Auctor insistat ex iis duobus Canonibus tantum ab ipso allegatis Nostram Praxim Iusjurandum, quo nunc utimur, desumere potuisse, sibi durum est demonstrare: Sed quidquid etiam fuerit, vel sit: semper tamen ex Consuetudine, seu Corruptela à Barbarorum Legibus proveniente primam eius originem traxisse dicendum. Quinimo & illam Corruptelam nunc adeo remanere corruptam, ut Substantia, Forma, Causa, & Fine totaliter mutatis, nil præterquam nomen huiusmodi Iuramenti retineatur.

XX. Quomodo verò, & quando hoc evenisse, durissimum quoque mihi figillatim referre; Quatenus rationabiliter non arbitretur tractu temporis introductum, atque mutatum fuisse, sicut experientia in Nostra Praxi quotidie nos docet. In uno namque Tribunali datur casus, quo Iudex extraneæ Ditionis, seu differentis CompleSSIONis, vel nimio Zelo, aut alio motivo correptus novum Usus, seu Corruptelam introducit, quæ postea fit exemplum, eiusdemque Tribunalis Stylus evadit: Et inde cum eodem Iudice in alia Tribunalia transit, vel ab aliis Iudicibus, seu Tribunalibus ex arbitrio, ac aliquando & repugnante Iure assumitur, & sic de Tribunali in Tribunal. immò de Casu ad Casum extenditur; Quin etiam illimet Iudices, qui talem novam Corruptelam introduxere, aut qui deinde practicarunt, vel qui practicare viderunt, & approbarunt, semper eam defendere conantur, Quæstiones scilicet super ipsa tractando, Volumina scribendo, Rationes ex quibuscumque Legibus extorquendo, eas sæpè ex Vocibus potius, quam ex Substantia interpretando, extendendo, atque ad propriam seu-

am sententiam coactè trahendo, Doctores diversarum Regionum, diversarumque Legum, atque Temperamentorum, vel in genere, vel etiam diversis in terminis loquentium colligendo, ac denique omnibus juxta proprium sensum compositis multitudine potius Allegationum, quàm Rationum propriam firmando intentionem; Sic itaque Corruptella fit Stylus, inde Consuetudo, seu Lex non scripta, postea Autoritate Scribentium Lex quasi scripta, & postremò cum in Bannimentis, & Constitutionibus registrata legatur, Legis etiam Scriptæ vim acquirit, nec ampliùs postmodum à Fisco relaxatur, cum istius sit mos nova semper acquirere, acquisita nunquam dimittere.

XXI. Quapropter cum Usus Juramenti à Barbarorum Legibus, immò potiùs ab earundem Legū Corruptela ita violatum acceperit Nostra Praxis adhuc semper retinuit, Finem verò eius, à Barbaris etiam inviolatum mutavit; sed cum postea Experientia demonstrasset (sicuti & nos infra ostendimus, ) huiusmodi Iuramentum inutile, Praxis ipsa idem parvipendendo, tantummodo pro Formalitate, & pro Superbundanti Cautela conservavit: Unde in gradu Simplicis Consuetudinis talis Usus adhuc remansit, quia nec Doctores, nec Iudices ipsum positivè defendere curarunt; Sicuti non omisissent, quatenus illum necessarium, & utilem experti essent: Ideoque potiùs tot alia Remedia, tot alias Diligentias, totque corporis, & mentis Experimenta contra Reum de novo invenerunt, ac inventa auxerunt, ut tota nostra Praxis semper nova ad inventanda, sustinenda, ac dilatanda adeo applicata videatur.

XXII. Hinc est, quod præsertim prædicto sæculo; in hac Materia Juramentorum in Judiciis adeo corrupto, cum Veneti Statutum suum reformare curavissent, [a] & Deputati ad Officium istud nonnullas ob hoc

a) Cron. Andrea D'Adami M. S. lib. 10 c. 5;

P. 39.  
Cronica. M. S. Carpi di

a] *Est vetustissima  
Cron. M. S. Authore  
Sylvio in mea Biblio  
theca Venetijs exstans.*

• Innocentius Ter  
tius iisdem Civibus  
Veneti, *Vide eod. cap.  
Verùm 15. de jur. iur.  
in fine.*



*Cap eodem ubi Glos.  
Verb. Absolverunt.*

ob hoc postulationes Pontifici Innocentio Tertio [ a ]  
detulissent, quarum quinta fuit : *An indigerent absolu  
tione, vel ipso jure sint absoluti qui inveni, ac compulsi pro vita,  
& rebus suis servandis jurarunt.* Et iisdem respondisset  
Innocentius, quod præcisè legitur in *Cap. Verùm 15. de  
jurejurando*, ibi : \* Nil aliud arbitramur, quam quod Ante  
cessores nostri Rom. Pontifices arbitrati fuisse noscuntur, qui ta  
les à Juramenti nexibus absolverunt : Caterum ut agant consultius,  
& auferant materiam peierandi, non eis ita expressè dicatur,  
ut Juraamenta non servant, scilicet si ea non attenderint non ob  
hoc sunt tanquam pro Mortali Crimine puniendi. Unde cum  
ex huiusmodi responso Veneti novissent quam inutile  
sit, & inane tale Juramentum, præcipuè cum indu  
bium hæctenus remaneat, si tales qui ita jurarunt à  
Gelasio; Gregorio, & Urbano fuissent de jure, vel  
tantum de facto absoluti, dum ipsa Glossa ponat in hoc  
duas lecturas, ibi : *Quidam exponunt de facto, quia ipso ju  
re non tenebantur, si iusto metu jurarunt.* Ideoque alias tẽ  
porales Cautelas, & Remedia in Criminalibus potiùs,  
quam huiusmodi Usus Reis deferendi Juramenti, Ve  
neti in suo Statuto servari mandarunt.

#### ARTICULUS IV.

*Consuetudinem, seu Corruptelam impugnati Juramenti non esse  
necessariam, neque utilem in terminis relata Praxis.  
convincitur.*



Is peractis, ad alias probandas Assumpti  
partes properamus, in quibus hanc Con  
suetudinem, siue Corruptelam non esse  
neque necessariam, neque Utilem detegere promi  
simus; Non Necessariam quidem: nam  
aut prætenus Reus tenetur fateri Veri  
tatem, quando est interrogatus à Iudice etiam sine Ju  
ramento, aut solummodo tenetur quando interroga  
tur



tur cum Juramento; si tenetur; etiam sine Juramento iuxta sensum Authoris, sapè sapiùs in sua Respon- sione talem opinionem asserentis, patet ex dicto ipsi- us, Juramentum convinci esse superfluum; Ad quid enim Juramentum inde adendum, quando præten- sus Reus sine Juramento veritatē fateri tenetur? Ad quid Sanctissimum Nomen Domini invocandum in vanum, cum illicitum sit sine necessitate jurare, juxta sensum omnium Theologorum etiam præcepto divino robo- ratum?

II. Si verò præten- sus Reus non tenetur fateri veri- tatem sine præcedenti Juramento: poterit etiam dubi- tari, quod non teneatur interveniente quoq; Juramen- to: quapropter sic arguo. Aut Reus omninò *Rydis*, est, aut *non Rydis*; Si *Rydis* habet pro se Ignorantiam Invincibilem, ex qua excusari potest, cum sanè hæc ignorantia adeò se extēdat, ut aliqui credant nec etiā iurare, (sed tantum tetigere Chartam, ut supra inui- mus, quod pro Dieterio transit apud Rudes,) dum sic parvipendi Juramentum in Tribunalibus nostris ob- servant; Immò ij addunt. Quomodo credere possu- mus, quod tale sit verū Juramentum, si à Iudice nun- quam ei creditur? Quomodo credere possumus, quod vel Iudex habeat intentionem exigendi Juramentum, & per juramentum nos obligare, sit tot quotidie vidi- mus, qui post tale juramentum de Veritate fatenda, Veritatem negarunt, & tamen licet per ipsorum Confessionem, aut alio modo, postremò ea de- tecta fuerit, nunquam uti Peierantes puniti [a]

fuerunt.

III. Immò solo lumine naturali arguendo prosequi possunt. Quis nos potest legitimè cogere ad nomen Do- mini invocandū quando nolumus illud invocare, quia patenter prævidemus nos ferre irrefragabiliter esse pe- jeraturos [b] ob amorem nostræ vitæ, ob amorem filio-

F

rum

a) Alex. ad Bartol. in l. 1. sub n. 1. ff. de bon. cor. Boff. in prax. sub tit. de perin. Imol. inter consil. Crim. di- vers. Zilett. cōf. 41. in fin. Scapuc. de iur. non script. lib. 1 §. c. 65. n. 82 & 9. Clar. in prax. d. § fin. qn. 45. nu. 10. Granat theorem. lib. 1 theorem 3. n. 1. & seq. Bero. q. 134. n. 3. Char- tar. ubi sup. d. lib. 3. e. §. nu. 16. Bertazzol. consil. 124. nu. 1. & seq. vol. 1. ubi Adden. lit. A. in fin. apud Guaz- zin. ad defen. 20. c. 3. n. 1. Micalor. de posie. cap. 41. n. 7.

b) Cap. qui exigit 22. q. 5. cap si Clericos de coabit. clerice. & mulier S. Ang. ubi sup. Marfil. in d. l. quæst. habenda de quæst. n. 7 & vers. & ideo dixit.

a) Sanchez in præ-  
cep. Decal. lib. 6. c. 3.  
n. 7. Sayr. clau. reg. 6.  
12. n. 6. versillud ta-  
men.

b) Suarez de relig.  
tom. 1. lib. 3. c. 8. Fa-  
gund. c. 6. nu. 24. Sal-  
vaticen. tract. 17. c.  
2. punct. 5. n. 45.

c) Cap. breui. &  
cap. Quemadmod. de  
iureiur. cap. Beatus  
Paulus 22. q. 2. cap.  
ex parte de cleric. non  
residen. l. final. ff. qui  
satis dat ubi Gloss.  
verb. videtur. l. Im-  
peratores ff. ad muni-  
cipal. l. si convenit. ff.  
pro soc. l. quod servus  
ff. de condit.

d) D. T. 2. 2. q.  
69. a. n. 4. ubi Gaiet.  
e) Vasq. 1. 2. q. 98  
art. 5. disp. 174. c. 5.  
Navar. cap. 12. m. 18.  
Gutierrez de iur. 1. p. c.  
57. n. 24.

f) Cap. venientes  
cap. cum tuis de iure-  
iuran.

g) Matth. 22.

h) Si peccare ti-  
mes, nunquam iures  
Bernard de modo bene  
vivendi. serm. 32.

i) Cap. ne quis ibi  
ut si quis forte non ve-  
lit. 22. q. 2.

rum, ob amorem totius nostræ familiæ? Quis nos po-  
test legitimè cogere ad perdendam [a] inevitabiliter  
aut animam, aut vitam? Nos nontenemur promit-  
tere nec etiam cum iuramento, quod nobis impossi-  
bile est observare, [b] & si coacti sumus ad pro-  
mittendum, nullo jure ad observandum (c) nos  
obligatos esse credimus. Impossibile autem est fateri  
veritatem sine inevitabili interitu nostræ famæ, atque  
vitæ, & idem hoc esset, quàm nosmetipsos occide-  
re. Possumus ne promittere, & jurare occidere  
nosmetipsos, & si Judex ad hoc nos coegisset obligati  
forsan essemus ad executionem? (d) Nos debe-  
mus semper curare nostram conservationem, con-  
servationemque nostrorum (e) Si nos igitur confi-  
tendo morte ignominiosissima moriemur, nostra  
ignominia, nostra morte diffamarentur nostræ Fami-  
liæ, Uxores, Filij, Parentes nostra infamia peri-  
rent. (f) Non tenemur ergo prodere propriam  
vitam cum illorum jactura. Natura præcipit quod  
effugiamus periculum, præcipit quod conservemus  
propriam vitam, quod alamus Filios, quod alamus  
Parentes, Deus ipse jubet (g) *Dilige Proximum*  
*tuum sicut te ipsum*, qui proximiores nostris Parentibus,  
nostris Filiis, nostris Uxoribus, & pari modo illos,  
ac nos perdere debemus? Sumus Christiani fideles,  
promptique sumus pro Fide subire martyria, qua-  
tenus opus sit, sed tantum pro Fide; Martyres  
verè Fidei essemus, si ob reverentiam Juramenti  
fatendo moriemur. At nimia tentatio esset nos ex-  
ponere, & eo magis (b) quando evidenter time-  
ri potest de nostra fragilitate: Ideo aut nolumus iu-  
rare, (i) aut non habemus iurandi intentionem, nec  
credere possumus, quod Judices habeant intentionem  
nos obligandi, immò credimus nec habere faculta-  
tem, ac malè agere nos cogendo ad jurandū. Habēt  
siqui-

siquidem facultatem super corporibus nostris, non autem super anima; Nonne tot aliis inventionibus in nos torquendo, non minus dictis Mentem, quam tormentis Corpora excruciant, & nihilominus Animas quoque nostras torquere vellent? Contra Charitatem erga Deum quem probabiliter pejuraturi sumus, contra Charitatem erga Proximum, cum prima sit Charitas, quæ incipit à seipso, & cum pari modo nos tueri, ac Nostros debeamus, ita ut inevitabili necessitate, aut perdenda sit anima, aut perdenda sit vita etiam cum Nostrorum jactura: Nos ita credimus, & ultra scire non curamus, cum nec scire teneamur, dum scire ultra non possumus.

IV. Sic & fortioribus etiam mediis Homines Rudes arguunt, & sibi blandiēdo, propriam tamen firmat intentionem, nec valent redargui de *Credulitate* totaliter *Erronea*, nec de *Ignorantia* totaliter *Crassa*, quia fundare videtur hanc eorum Opinionem in Divinis, Naturalibusque præceptis adeo ut *Invincibilis* hæc eorum *Ignorantia Juris*, & *Facti*, nec non *Rationabilis* ista *Credulitas*, omnino illos excusando [a] præallatam Consuetudinem eis deferendi Juramentum prorsus inanem, pœnitusque superfluum reddunt:

V. Si autem qui constituitur Rudis non est, licet non habeat pro se invincibilem Ignorantiam Juris, & Facti, habet tamen omnia prædicta argumenta, quæ à lumine naturali ipsi subministrari possunt, & quamplura alia, quæ prudens eius perspicacitas potest ei suppeditare, tum ex Sacris, tum ex Canonicis, [b] tum ex Civilibus [c] Sanctionibus cum nostra Præxi concordatis, tum ex Theologicis, Moralibusque rationibus eruta: quia licet multi Doctores asserant, quod Reus legitime interrogatus, & ab eo legitime exacto Juramento (quod datur tantummodo

a) D. Antonin. in 3 p. tit. 25. cap. 23. Angel. verb. excomm. 7. cas. ult. Silvest. verb. ignorantia § 16. Toled. tract. lib. 1. cap. 9. n. 11. per tot.

b) Vide cap. Verum in ea 15. de iurjur. Civibus Venetis ab Innoc. III. Scriptum & in fine præced. art. per extērelat. Quod præcipue notandum Dist. cap. ne quis 22 q. 1. ibi. ut si quis forte non velit ad istam visibilem mortē hominem prodere, paratus esse debet verū occultare non falsū dicere, ut neque prodcat, neque mentiatut nec occidat animam suam pro corpore alterius.

c) Ulpian. ff. de bonis eorum qui ante sententiam sibi consciver. vel accusat. corrupti. l. 1. ibi. In capitalibus criminibus à Principibus decretū decretum est non nocere ei qui advers. corruperit, sed in iis demum quæ poenam mortis continent, nā ignoscendum consueverunt ei qui sanguinem suum qualiter qualiter redemptam voluerit, & Gloss. nā univēque licet redimere sanguinem suū.

a) *Pasqualig.* *quæst.*  
*mor. canonic. centur. 3.*  
*q. 227. n. 1. Adducunt*  
*Spartar. in method.*  
*corrig. Regn. Rodrig.*  
*10. 2. q. regular. 18. c.*  
*3. Villalob. tom. 2.*  
*Summ. tract. 16. diff.*  
*11. n. 100. Ioseph. de S.*  
*Maria in tribum. Reli-*  
*giofor. tr. 4. c. 2. n. 5.*  
*Homob. de statu hom.*  
*p. 2. c. 4. § quod autē*  
*Peier. de Subdit. Relig.*  
*q. 1. de obediē. § vers.*  
*g. 1. de obediē. Salsed. in*  
*addis ad Diaz. c. 126.*  
*vers. 9. Sot. 4. distin.*  
*15. q. 4. nu. 3. Regn.*  
*lib. 2. praxis fori pen-*  
*nitent. n. 37. Filiver.*  
*tr. 4. n. 226. Malder.*  
*2. tract. 6. c. 3. asser.*  
*2. Ioan Sanc. in Select.*  
*de Sac. disp. 43. n. 29.*  
*Armil. verb. conf. n. 8.*  
*Angel. verb. conf. n. 8.*  
*delict. n. 1. Herrera*  
*dec. 4. mor. n. 14. vers.*  
*Digo lo terzero.*

b) *Card. de Lugo. to.*  
*2. de iust. & iur. disp.*  
*4. sec. 1. n. 15. Navar.*  
*de rellis. lib. 2. cap. 4.*  
*n. 137. & seq. ubi re-*  
*fert Panormii. Angel.*  
*& alios Rodriguez*  
*Sum. tract. 16. de ordin.*  
*iudicial. cap. 10. nu. 1.*  
*qui citat pro se Salsed.*  
*in pract. Criminal. c.*  
*26. pag. 431. Vega in*  
*pract. lib. 15. conf.*  
*422. Lessius cap. 31. n.*  
*16. Emanuel Sa verb.*  
*reus addē. quod Sua-*  
*rez. de hoc consultus anno 1596. hanc dixit probabilem & idem testatur Salas ex schedula propria manuscripta,*  
*que apud Card. de Lugo extrahat. Villalob. in Summ. tom. 2. tr. 16. diff. 1. num. 10. Fagundez. num. 31. num. 11.*  
*Alvarez in Sum. cap. 16. § & Reo Reginald. in praxi tom. 2. lib. 24. cap. 5. sess. 3. num. 3. Portell. in dub. regular.*  
*tie. correp. frater verb. Reus numer. 24. Peirin. de subdit. Religiofor. tom. 1. quæst. 1. capis. 16. §. 1. Dian. ....*  
*tract. 1. Miscell. resol. 27. Ioan Sanc. in select. disp. 43. num. 29. & novissime Carden. dissert. 19. num. 51. & in*  
*crisi Theolog. propos. damnat. ab Innocentio XI. prop. 25.*

quando adest in eum semiplena probatio delicti tunc ipse teneatur fateri delictum, etiam cum gravi detrimento suæ famæ atque vitæ; nihilominus, & quamplurimi alii adsunt, qui contrarium constantissimè tenent, inter quos juvat specialissimum asserre *Pasqualigum*, (a) absolutè contra dictam opinionem, fretum autoritate sexdecim primæ classis Doctorum, decertantem: *Cardalem de Lugo* hanc secundam sententiam esse *valde probabilem*, & in *Praxi omninò securam*, (b), pariterque multos alios primæ notæ Doctores asserentem, ac contra *Turrianum*, qui paucos hanc sententiam affirmasse assererat, sic agentem: *sed certè ex recentioribus tot jam eam probabilem dicunt, ut ij, demptis etiam antiquioribus, sufficerent*: Et per hoc in terminis istorum potius, quàm aliorum Theologorum quisque dirigere se potest, & præcipuè quando hæc sententia sibi videatur magis conformari Juri Divino, atque Naturæ: Unde cum ex præmissis pateat, in examine & Rudium, & non Rudium huiusmodi Usui Juramenti penitus inanem evadere posse, ad eius inutilitatem ostendendam etiam faciliori inductione properabo, quærendo.

VII. Quæ utilitas asserit Juramentum? Prodest Reo? Non sanè; quia si millies, & millies juraverit, nunquam ei creditur, nunquam dimittitur, nunquam vexationibus eximitur, nunquam à faciendis ulterioribus Defensionibus liberatur, nunquam per hoc eius Causa definitur. Juvat ergo Fisco? Nequaquam; nam si etiam Juramento Reus confiteatur delictum. non inde Fisco tollitur labor probandi tam à parte ante, quàm

quàm à parte *post* idem delictum [a] A parte *ante* scilicet, quia sine præcedentibus Inditiis si Iuramentum delatum sit, & Reus fateatur, certum est, quod talis Confessio est illegitimè extorta, ut ipse Auctor me optimè docet, nec saltem in morali sustineri valet, & proinde Fiscus non obstante dicta jurata confessione tenetur à parte *ante* probare delictum; A parte autem *post* idem Auctor versatissimus non minùs in theoria, quàm in praxi me monet, quod omninò Fiscus tenetur perfectè verificare ipsam confessionem, & quidem in omnibus eius circumstantiis, & particularitatibus [b]; Adeo ut si in aliqua relevanti particularitate admissim verificata non existat per Fiscum, Reus nunquam condemnari poterit in pœnam ordinariam, sed tantum in pœnam extraordinariam, mitiorem scilicet iuxta relevantiam particularitatis per Fiscum penitus non verificatæ.

a) Soccin. in c. qualiter, & quando 2. n. 975. de accus. Per. migl. conf. 18. n. 18. & conf. 19. nu. 9. Farinacc. qu. 2. sub nu. 3. circ. med. & q. 81. n. 30. Sperell. decis. 108. n. 1. Angel de confess. lib. 3. q. 12. n. 18. ubi ratio quia non potest esse testis contra seip.

b) Ut per supra relata Art. 1. § 18. in fine.

VIII: Igitur quenam utilitas per Iuramentum Fisco affertur, forsan quia ex confessione iurata Reus damnatur in pœnam extraordinariam? Parva utilitas: Et tamen nec etiam hoc habetur ex tali confessione, sed potiùs ex probationibus Fisci, nempe indicii præcedentibus ipsæ confessioni, ac probationibus subsequentibus ipsam verificantibus confessionem, adeout si Fiscus nullis præcedentibus indicii confessionem extorsisset, & postea eam in nullo particulari verificasset, proculdubio nec etiam in pœnam extraordinariam Reus damari posset.

IX. Obiectum instruere valeret Auctor dicendo quod si Fisco non tollitur labor probandi, tamen idem labor per huiusmodi confessionem ei minuitur ex lumine, quod sibi juvat ad indagandum delictum; & faciliùs posse verificari confessionem, quàm interrogatoriis acquirere indicia; Attamen hoc argumentum non concludit præcisè circa usum Juramenti, quia eadem

eadem utilitas potest haberi à confessione etiam absque Juramento emanata.

X. At error Juramenti, (subungere posset) & metus perjurii facilius inducunt Reum ad fatendum: Immo & quando post huiusmodi diligentiam pluries practicatam Reus non fatetur, remanent Fisco alia remedia: potest enim tunc Reum etiam torturare. Difficillima, atque durissima sanè argumentatio. Homo igitur criminofus, & perditus, credendum erit, quod ex terrore Juramenti, ex metu perjurii fateatur? Qui totidem animam suam vilissimo pretio, levioribusque passionibus postposuit, commisit, pessum dedit; Tum ob terrorem Juramenti, ob metum perjurii propriam vitam inevitabiliter perdere, credendum; quod voluerit potius, quàm tot suis criminibus etiam perjurii peccatum adungere? [a] Si fateatur, mori inevitabiliter prævidet, si negat, spatium penitentiae vivendo sperat habere: Quæ reflexio, quamvis detestabilis, & iniqua, attamen utinam non daretur præcipuè in homine criminoso, qui si fateatur, certè miraculum Fidei dici potest: Ideoque Juramento tentare Deum, tentare animas Proximi potius videtur, quàm Iustitiæ tramites sequi, quando adsunt tot aliæ diligentiae, tot aliæ cautelæ, tot alia remedia pro eruenda veritate, ut diximus.

XI. Nonne remanet statim tortura imminens? Iam secundum Doctorem sententiam Fisco etiam favorabiliorem, [b] non potest exigi Juramentum, nisi præcedente semiplena probatione delicti: Igitur iuxta prædictam Praxim, Reus potest hoc casu torqueri iuxta qualitatem inditiorum, vel potest etiam ex arbitrio iuxta eandem qualitatem in pœnam extraordinariam damnari. Quare ergo statim non torturatur, aut ex arbitrio in pœnam extraordinariam non damnatur iuxta qualitatem inditiorum, atque delicti?

VIII, Sed

a) Seraph. de iuram. privil. 1. n. 26. & 31. ubi quod iuram. non sit deferendum personæ moribus corruptæ, quia hodie nemo est tam bonæ conscientie qui non iures falsum potius quam mori.

b) Tolet. diff. trac. lib. 4. c. 21. n. 9. vers. secundum, & omnes Theol. Moral.

XII. Sed Author replicando me monet, quod nō potest ad tormentum torturæ deveniri, nisi prius factis à Reo defensionibus, & nisi iis non obstantibus semiplena probatio adhuc remaneat intacta, nec intrat arbitrium Judicis, ex stylo introductum, torturandi, vel condemnandi in pœnam extraordinariam, nisi attenta qualitate delicti, attenta malitia Rei attentoque eius corporis robore, ex quo Judex suspicari possit, quod ipse in tormento negativam sustinere valeat. Durissima replicatio, quæ (proh dolor) sic retorqueri potest. Tot igitur cautele, & circumstantiæ Torturæ Corporis præmittuntur, & Animæ Tortura nullis præviis, nullis attētis, nullisq; prævisis, nullis consideratis, nullis diligentibus, vel circūstātiis ex abrupto statim infertur! Judex de stylo arbitratur si ex versutia Rei prævidet quod ille negare valuerit, & non arbitratur, immò tot vicibus torturandam Reianimam committit, quamvis moraliter ipsum esse peieraturum cognoscat! Non experimur corpus, quia robustius, tentamus animam, quia debilior: Tentamus Deum; quia? Quia sanctissimus est! Horret auditus. Liceat equidem hic resferre per extensum sensum Authoris *Operis imperfecti* S. Jo: Chrysost. attributi *Homil. 12. in Capit. 5. Matth:* quia non obstante controversia de illius legitimitate respectu Chrysostomi, esse tamen *opus disertum, & doctum, ac dignum quod assidue legatur*, refert Sixtus Senensis; [a] ideoque iuxta castigationem [b] in hac Iuramenti materia ab eodem Sixto præscriptam præcipuè in concreto præsentis Questionis adducere possum. Ait igitur; *Ecce amice admonet te, ne aliquando hominem jurare compellas, sive existimes eum bene iuraturum recede ab eo, sive existimes eum male iuraturum magis recede ab eo: quia etsi ille bene juraverit tu quantum ad conscientiam tuam periurii illius factus es causa: quia hoc proposito eius iurare compellis, non ut iuret*

*Comant. S. 10a. Chrysost. in cap. 5. Matth. Quid igitur si aliquis exigit Iuramentum, & necessitatem Iurationis imponat? sit tibi timor Dei omni necessitate violentior. Idem Hom. 9. in Act. Apost. apud Sixtum Senensē Bibliot. Sanct. lib. 6. annot. 25.*

Impli, & digni ut ab Ecclesia arceatur, qui in foribus actionibus, & contractibus, & fideiussionibus aut iurant, aut ab aliis Iuramentum exigunt.

a) Vide lib. 4. Bibli. Sanctæ ubi disquisitio nem huius controuersiat.

b) Et lib. 6. annot. 25. ubi castigationes quas sequimur ponit.

iuret, sed ut periuret. Si autem bene cum iuraturus putares, nec iurare compelleres. O insipiens qui alterum iurare compellis, nescis quid agis. Ille etsi periuraverit, vel cum lucro periurat, tu autem sine lucro periurij illius particeps inveneris. Qui mentiri non dubitat, nec periurare timet, qui enim mentitur veritatem in corde suo transgreditur, qui autem periurat in verbis suis transit Deum. Quid ergo interest inter Deum transire, & veritatem transgredi, cum & ipsa Veritas sit Deus? Hac sola differentia est, quia veritatem mentientes in corde transimus, periurantes autem in verbis. Nam verbo hominibus satisfacimus, conscientia autem Deo. Ipse Deus qui periurare vetuit ipse & postea non iurare mandavit. Qui ergo in iurando non timet Dei præceptum negligere, nec in periurando timebit. Quid autem vis. Timet Deum, aut non timet Deum; Si timet, etiam sine Iuramento non mentitur, Si autem non timet neque cum Iuramento potest dicere veritatem. Audite vos Clerici, qui iurantibus Evangelia Sacra porrigitis: quomodo potestis ab illo Iuramento esse securi, qui semen periurii datis? Nunquid qui ignem portat unde confletur incendium, alienus est ab illo incendio? aut qui gladium porrigit unde homicidium committatur, nonne est socius homicidii illius? Sic & qui occasionem periurij præstat collega fit periurii eius. Si erat bene iurare iustum, iuste dicebatur quia dedimus illis Evangelium ut iurent, non ut periurent. Nunc autem cum sciatis quia & bene iurare peccatum est, (intellige si ne necessitate) quomodo potestis esse liberi qui occasionem datis unde pescetur in Deum? cesset ignis, & incendium non fit, subtrahere gladium, & homicidium non committitur. Sic tolle Iuramentum (scilicet in terminis nostræ Praxis Criminalibus) & periurium non fit.

Castig. iuxta sensus  
Sixti Senen. lib. 6. sup.  
relat.

XIII. At quid utilitatis Fisco hinc per Iuramentum sperare contingit? Hominem criminosum, & perditum per corporalia tormenta, quæ patitur iuvat credere facilius semper passurum potius quam per spiritualia, quæ aut semper sprevit, aut nunquam timuit, tumque per spatium pœnitentiæ se evasurum confidere potest



re potest. Si igitur ex malitia aptus est ad sustinenda corporalia, magis ad spiritualia spernenda aptus erit; Et si eum invincibilis ignorantia, vel probabilis opinio excusare valet, inanis erit animæ tortura, inanis erit finis Juramenti pro Fisco; remanente tantummodo periculo in erroneis conscientiis, quæ tentatione forsan ductæ, dubitando prius jurent, deinde mentiendo negent: Unde peccare poterunt, & forsan sine spe emendationis, præcipuè in homine perduto, quem summopere timendum est, sine miraculo Divinæ misericordiæ, nunquam verè pœnitere posse; ita ut desideret potius se mortuum fuisse in Patibulo cū ignominia, ac exitio totius suæ familiæ quàm periuriis tot temporalia mala evasisse, imò utinam facilius credi non posset, quod multiplicaturus potius sit peccata ex multiplicatis complacentiis ob exitū eius periurii.

XIII. Dum igitur utilitas non adest nec pro Reo, nec pro Fisco, adestet saltem pro bono Republicæ: Sed nec istud sperandum; Tali namque Corruptela Juramenti Reis deferendi deteguntur forsan delicta; atque puniuntur? Verissimum quidem est: Deteguntur, immò excitantur plurima, ac gravissima, ut dixi, delicta: nempe periuria, quæ tamen nunquam puniuntur, quod sanè summum scandalum, non utilitas est: Deum ultorem habent, Fiscus addit, Deum ultorem habent etiam alia delicta, quamvis remaneant occulta, & ego pariter tantundem repeto, fretus autoritate D. Thomæ sic loquentis [a] *Spontanea confessione, vel Testium approbatione publicata delicta commissa sunt Regimini nostro judicare; occulta verò, & incognita Illi sunt relinquenda, qui solus novit, corda fidelium hominum.*

XIV. Sed quæro, in Germania, Saxonia, Bavaria, Austria, aliisq; Ditionibus Ultramontanis, prout unus ex ipsimet Approbatoribus Responsionis eiusdē Auc̃t. advertit [b] In Gallia, teste Claro [c] In Burgundia

G

teste

a) D. Thom. in sum.  
p. 3 q. 80. art. 6. ad 3.

b) Quartus in ordine  
approbator afferens  
Carpovium in Crimi-  
n. p. 3. q. 103. Bru-  
neman. de Inquisitione,  
cap. 8. ser. 1. n. 77. &  
alios.

c) Clar. § fin. q. 45;  
n. 9. vers. & sic. Pri-  
latus in prat. interrog.  
recr. rub. 3. c. 3. n. 126  
& 13.

a) *Castan. in consuet. Burgu. tit. de inst. sen iurisd. rubr. 1. §. 7. n. 8 fol. 360. iuxta. impress. Colonien.*

b) *Ant. Gomez. ad leg. Taur. lib. 67. n. 1.*

c) *Matth. Sans. de Regim: Regn. Valens. c. 3. §. 4. nu. 4.*

d) *Didac. a Cante. ra q. crim. q. 3 fol. 71. in fin.*

e) *Cancer. var. ref. p. 2. c. 8. de iuram. n. 18.*

f) *Prat. Crim. del Priori nei casi criminali. dello spergiuro.*

g) *Sola ad constit. Sabaud. tit. de iuram. fol. 396.*

h) *Cyriac. contr. 322. n. 35.*

i) *Sabell. in Summ. divers. tract. §. iuramentum in fine. Fan- ton. in discurs. desu- pered.*

k) *Genesise. 4. n. 10*

teste Casā (a) In Hispania teste Ant: Gomez. (b) pre- fertim in Regno Valentia, teste Sans, (c) Arragonia, & Navarra teste Didac. (d) Catalonia, teste Cácer (e) in Italia, in toto Statu nostræ Venetiarum Reipub. (f) ut sup. inuimus; In toto Statu Ducis Sabaudie, & Pe- demontis, teste Sola [g] In Statu Ducis Mantuæ, teste Cyriaco: (b) Novissimè in toto Statu Magni Ducis Hetruria, teste Sabellio (i), ac aliis in locis, de quibus, ob angustiam temporis me certiozem reddere non va- leo; Quare talis Corruptela Reis Juramentum dese- rendi, ex Barbarorum moribus emanata, non fuit un- quam introducta; Vel tractu temporis tanquam re- perta inutilis, atque mala fuit abrogata: Nonne tot Ditionum, ac Regnorum Religiosissimi Principes toto studio Justitiæ incumbunt, seduloque animo deli- cta inquirunt: eaque puniunt, toto spiritu crimina- curant evitare? Si usum Juramenti bonum novissent, utique proinde aut introduxissent, aut introductum non abrogassent; Si ex eius abrogatione, aut delicta impunita remanerent, aut multiplicata apparerent, proculdubio talem abrogationem retractassent, & in pristinum talem usum restituissent. Sunt etiam isti Providi, Iusti, ac Pii, maioremque serè partem Or- bis Christiani constituunt. Quis nobis vaticinatur, quod ex tali abrogatione delicta multiplicanda sint, dum in aliis Ditionibus hoc non evenit? Quis poterit dubitare hoc eventurum in hoc religiosissimo Statu? Ma- litia autem hominis aucta est in occultandis delictis: ait sæpissimè Author. Sed si aucta est malitia, ergo ma- jus periculum periurii. Verum ego parigradu semper, & ubique viguisse, ac vigere arbitror; Natura enim ipsa docet effugere pœnam. Primus delinquens in Mundo Deo ipsi interroganti respondit, *Numquid sum Custos fratris mei?* (k) Divinus Legislator Moyseß Ægyptium ab ipso occisum abscondit in sabulo; Sed

[b] Sed si malitia hominis in occultandis delictis aucta est liceat quoque dicere, quod in aliquibus Judicibus, nimis aucta est etiam sedulitas in eis perquirendis.

b) Exod. cap. 2. n. n.  
12. 13.

XV. At transeant omnia licita, & utilia remedia; Iuramentum verò ad quid juvat? Experientia me docuit in tribus millibus, & ultra, Constitutis, quæ reguli, & referre audivi in Sacra Consulta: ulterius, à Professoribus tam in Romana Curia quam extra, cum quibus certiorare me potui: neminem falsum vi juramenti inveniri: Et licet Author ad hoc contra Fantonum gratis asserat, quod id facile negari posse putaret; quia sicuti aliqui spontè falsi sunt, ita dari potest; quod falsi sint vi juramenti: facilius ei respōdeo, quod Praxis nostra non judicat nisi de externis, ex quibus fatentes an aliis ex causis, an vi juramenti fateantur distinguere à Professoribus clarissimè potest. Satis autem pro nunc dixisse credo, ideoque ad aliqua obiecta, quæ remanent resolvenda, descendam.

## ARTICULUS V.

*Reliqua Obiecta solvuntur.*



Uthor summam vim facit in eo, quod in primitiva Ecclesia usus deferendi Juramentum aderat, & quamvis talis usus, ut demonstravimus differat in Fine, Forma, & Obiecto, à terminis nostræ Praxis: quia tamen hoc ad probandum, Salmeronem [a] ipse assert, mihi interest per extensum referre quidquid allatis per Authorem, Salmeron ipse subnectit, ibi: *Abominandum autem videtur vitium*

*Iuramenti etiam veri, & liciti citra necessitatem, ideo illo non nisi, ut medicina venenata tantum in necessitate utendum, nomenque Dei Sacrosanctum tot laudibus in Scripturis celebratum,*

a) Salmeron in Commentar. ad Evangel. tom. 5. tract. 4. non perierabis. pag. 244. §. inprimis.

& in Celo Sanctos coronans, non alio sanè modo à nobis usurpandum quam eo, quo Sacramentum Eucharistiæ ore succipimus. Et ut ad iurandum sit necessitas, opus est, ut res sit dubia, non dubitatione, quæ spectet ad scientiam, vel Ius, sed quæ non possit alia via sciri, ut qualitas rei ad vocationem Dei in testem, & periculum peierandi compenset: Debet & adesse reverentia, ideo iure fit coram Altari, vel Cruce, & Iudice, & à ieiuno, & atatem habente, & dato spatio ad cogitandum, ut ceremonia istæ moverent ad reverentiam, & timorem peierandi; ob id non dabatur Iuramentum gravidis, ut habetur vigesima secunda quæstion. 5. Nunc vero Scriba aliquis (proh dolor!), vel eius famulus ab inconsideratis Iuramentum exigit, plerumque inepta forma: unde fit, ut periuria à vulgo non magnipendantur: Cum tamen Iuramentum, cui deest veritas, vel iustitia, semper mortiferum existat:

II. Addit insuper ipse Author autoritatem Divi Augustini, & Divi Thomæ prætendendo, quod primus dicat: maius certè peccatum esse jurare per falsos Deos, quàm per verum Deum peierare [a] Sed in meo Codice, multis etiam meliorum Editionum concordanti hoc non invenio: verba enim Augustini in loco per eum citato in omnibus prædictis Codicibus sunt ista: [b] Veruntamen sine ulla dubitatione minus malum est per Deum falsum iurare veraciter, quàm per Deum verum fallaciter: Quantò enim per quod iuratur magis est Sanctum, tantò magis est pœnale periurium. Ex D. Thoma pariter deducere prætendit Auctor, [c] quod licitum sit exigere Iuramentum ab Infidelibus, quamvis cum periculo gravioris offensæ Dei, qualis est falsus cultus falso Deo exhibitus per iurantem, quæ potuit à deferente Iuramentum prævideri, quantò magis licitum erit exigere Iuramentum à reo, qui timeri potest peieraturus Sed ego pariter hoc in meo Codice non reperio, dum in loco D. Tho. ab eo cit. sic lego; (d) Dicendum quod licet malo uti propter bonum, sicut et Deus utitur, non tamen licet aliquem ad malum inducere: Vnde licet eius, qui per falsos Deos iurare pa-

a) Art. 1. §. 20.  
b) D. August. ad  
Publicol. epist. 154.  
edit. Parisien. anno  
1586. item edit. Pari-  
sien. anno 1632. fol.  
268. item edit. Trobe-  
niæ. tom. 2. ep. 154. col.  
702. item edit. Basilii.  
eu. ann. 1518. ead. ep.  
pag. 451. item edit.  
Lugdunè à Theologis  
Levantiens. expurgat.  
& illustrat. tom. 1. 644.  
ead. ep. item edit. Pa-  
risien. Monach. S. Vene-  
dicti. anno 1679. tom.  
2. ep. 47. pag. 110. &  
idem refert. D. Thom.  
ut proxime.

c) Art. 1. §. 21.  
d) D. Thom. 2. 2. q.  
98. ad 4. Tolet. cit.  
traff. lib. 4. c. 21. n. 10.

re paratus est, Iuramentum recipere, non tamen licet eum inducere ad hoc quod per falsos Deos iuret. Alias tamen ratio videtur in eo, qui per verum Deum falsum iuret, quia in tali iuramento deest bonum Fidei, qua utitur aliquis in Iuramento illius, qui verum per falsos Deos iuret: Unde Augustinus dicit ad Publicolum; Unde in Iuramento eius, qui falsum per verum Deum iurat, non videtur esse aliquod bonum, quo tibi liceat. Ex quibus igitur patet, corruere per se ipsa omnia argumenta Authoris: cum ab ipsis Authoritatibus ab eo adductis destruantur.

III. Et eò clariùs per seipsum destruitur alterum argumentum deductum à simili, ita per Authorem instructum.

a) Art. 1 §. 19.

[ a ] Sicuti sumere Eucharistiam bonum est, & tamen qui indignè sumit Iudicium sibi manducat, & bibit, sic sit dicendum, quod Iuramentum ex iuxta causa præstitum licitum sit, & honestum, licet cadat in perniciem illius, qui eo abutitur peierando: Hoc namque argumentum cum sit tantummodo ita in Abstracto cõpositum, nihil concludit in Concreto nostræ quæstionis; immò retorquetur ad hominem: Nam sicuti sumere Eucharist. optimū est, & tamen non licet (ex omnium Theologorum sententia) aliquos cogere ad eam sumendam, ubi evidenti periculo indignè eam sumendi laborare prævideatur: Unde vetita fuit per Sacros Canones (b) Purgatio per ipsam Eucharistiam introducta, in quam D. Tho. (c) invehit his verbis: *Graviùs videtur si hoc Sacramento, quod est institutum ad remedium salutis, aliquis incurreret Iudicium Mortis; unde nullo modo Corpus Christi debet dari alicui suspecto de crimine, quasi ad examinationem.* Ita pariter dicendum omninò venit, nullatenus permittendum, quod Iuramentum ad veritatem detegendam, ac Deum glorificandum inventum præberi possit illi, qui moraliter eo peierando abusus prævideatur, prout de facto hoc specialissimè prohibent non minùs leges Civiles, quàm ipsi Sacri Canones per nos supra relati.

b) Cap. conclusi dist. 2. de consecrat. ca. ex tuarum de purgati. canonic. Natal. Alex. dic. Theol. dogmas. lib. 2. p. 2 de Euchar. cap. 5. propos. 4. regul. 7 fol. 359.  
c) D. Tho. in summ. p. 3 q. 80. ad 4. erga fin. P. Natal. ubi sup. fol. 358.

IV Deni-

IV. Denique nec ex eo, quod in Tribunali Sanctæ Inquisitionis Juramentum Reis deferatur, deduci valet argumentum ad canonizandum usum deferendi etiam in cæteris Tribunalibus, prout Author omni vi probare conatur; Percurrendo siquidem *Carenam*, *Bordonum*, *Peniam*, cæterosque de eo tractantes vel facillimè dignoscitur differentia Praxis illius Tribunalis, ab ea nostrorum in Criminalibus; cum in eo plurima practicentur, quæ in cæteris respectivè non dantur.

V. In Tribunali namque Sanctæ Inquisitionis non adeò velociter curritur, sed quæ in nostra Praxi satis essent, immò superabundarent ad capturandum, ac etiam medio Juramento ad constituendum prætenfum Reum, immò & torquendum, in illius Praxi vix sufficerent *ad observandum*, vel *ad attentè observandum*, & ad plus *ad extra carceres audiendum*, iuxta terminos illius Tribunalis, per quod non devenitur ad capturam, nisi saltem adsint indicia ad torturandum, & adsit semiplena probatio, ut de illius Tribunalis Praxi testatur *Carena*, qui addit: quod si persona esset optimæ famæ, & nobilitatis; maiora requirerentur indicia. [a]

a) *Caren. de Off. S. Inquisit. p. 3. tit. 2 §. 6. n. 24. & seq. Cennen. Praxi Archiep. Neap. pol. cap. 68. n. 1. vers. cum carceratio 2. impressio. Cauter. quasi. n. criminal. cap. 2. de probat. per testes q. 1. de indicis ad tortur. circa finem vers. veruntamen tene menti.*

b) *Farinacc. q. 185 n. 132. Caren. d. Offic. S. Inquisit. p. 3. tit. 1. §. 1. num 10.*

VI. Quid autem in ponderando qualitatem, ac fidem testium, relevantiam, ac substantiam dictorum ex officio eiusdem Tribunalis religiosissimè practicetur: ultra supra relatos novissimè docet *Pasqualonus*. Non enim omnibus accusationibus, nec omnibus depositionibus integra fides præstatur, sed qualitas Accusatoris, qui in illo Tribunali loco Testis accipitur [b] unà cum illa cæterorum Testium priùs examinatus, immò præventivè exquiruntur in eis exceptiones, quæ dari possent ad adimendam in toto, vel in parte eorum fidem. Qua forma postea, qua charitate constituentur, & examinentur prætensi Rei, & respec-

respectivè Tēstes quibusque etiam præventivis monitis circa importantiam Juramenti, & pœnam perjurii ad jurandum perstringantur, ex præfatis Auctori- bus [a] recognoscere quilibet per seipsum valet.

VII. Quinimò in eo Tribunali datur Purgatio Canonica [b], & nunquam agitur de Poena Mortis infligenda in Reum, nisi *Relapsum*, & *pertinaciter Nolentem se retractare*, adeout pœna illa potius pro pertinacia, quàm pro delicto inferri videatur, [c] unde quāto citius Reus confitetur, ac retractatur, mitius punitur, immò si spontè comparet ad confitendum suum delictum prius quàm fuerit inditiatus, solis Spiritu- alibus Monitis atque Consiliis liberè semper dimitti- tur. [d]

VIII. Ex quibus cum evidenter pateat hoc Sacrum Tribunal in Forma, ac Modo procedendi omninò ab aliis diversificari, & quod plus est, diversificari etiam in Materia, quia in ipso agitur potius de Delicto Spi- rituali, quàm de Temporali, ideò iuremeritò ad eruendam veritatem, prius in eo *torturatur Anima*, quàm *Corpus*: Potissimè etiam quia hoc Sacrum Tri- bunal in ministranda Justitia omnibus aliis præstat; ac denique Juramentum in eo deferri suadet eadem ratio peculiaris desumpta ex Theologicis dogmatibus, quæ in aliis omnibus Tribunalibus vetat.

IX. Certum namque est, quod Naturalia omnia adeò Supranaturalibus subordinari debent, ut illa in istorum obsequium, & conservationem omninò man- cipata, & ordinata appareant, ita disponente Divi- no præcepto, quod à nemine Catholicorum negari potest, cum certissimum sit, unumquemque teneri etiam propriam tradere vitam pro confessione Catho- licæ Fidei, iuxta circumstantias à Theologis assigna- tas: Ex quo patet, quod cum in hoc Tribunali bonū Fidei, quod est Supranaturale promoveatur, omni- bus

a) Garz. prax. S. Of-  
fic. fol. mibi 3. ibi quā-  
do el delicto est de solli-  
citatiō. Caren. ubi sup.  
p. 3. tit. 7. §. 9. n. 66. &  
seq. Pasqualon. Sacr.  
Arsenal. pag. 377. ad-  
not. 370.

b) Idem Pasqualon.  
pag. 248.

c) Idem Pasqualon.  
innuit pag. 350. adnot.  
93. 95.

d) Caren. dic. trañz:  
p. 2. tit. 13. §. 1. ferre  
per tot. præfatis. nu. 6.  
& 7. & confert. Pas-  
qualon. pag. 310 adnot.  
96. pag. 347. adnot.  
30.

bus medijs, omnibusque cautelis etiam Juramenti posse, immò debere pro eo veritatem exquiri Justitiæque ipsa expleri.

X. Atque hinc cum pariter in hac materia subsistere non possint fundamenta sententiæ per me superius firmatæ, nec ratio nostræ propositionis intrare poterat, cum non adsit in Causis Fidei præceptum de non detegendo propriam turpitudinem occultam, minusque urgeat præceptum naturale sui conservandi, & quatenus urgeret, tenentur omninò cedere præcepto Divino supra relato, præcipienti, quod ob conservationem Fidei quilibet propriam vitam tradere debeat: & meritò quidem, cum hoc non sit bonum commune eiusdem ordinis naturalis, sed bonum commune diversi ordinis superioris, & supra naturalis: Ideoque cessantibus in hoc Tribunali omnibus motivis supra relatis, quod non teneatur Reus confiteri cum periculo propriæ vitæ, ex quo agitur in eo de bono supranaturali, iustissimè exigitur per eum Juramentum, quod in aliis Tribunalibus, in quibus agitur de bono simplici tantum naturali, minimè est exigendum.

XI. Superest respondere postremo obiecto toties ab Auctore replicato, quod nempe si abrogaretur talis consuetudo Juramenti Reis deferendi, tolerantia tandiù convalidata, irrogaretur Iniuria tot Principibus, ipsique Romanæ Curix, quibus hætenus abroganda visa non est, indeque scandalum oriretur. Verum hæc illationes quantum sint vanæ, & fallaces manifestissimè per se apparet: Quod ergo factum non fuit, fieri unquam non potest? Non quid factum, sed quid fieri debuit attendendum esse Leges nos docent (a) & licet eadem Leges addant non esse mutanda quæ interpretationem certam semper habuerunt (b) superaddunt tamen etiam, ut explicant Glossæ.

a) *Matth. de regim. Regn. Vallent. c. 10. § 1. n. 127. & § 2. nu. 119. & c. 13: § 4. a.*

b) *L. 23. ff. de legibus.*



Glossatores, nisi evidens utilitas mutationem suadeat. [a]

XII. At talis Consuetudo dici potest nec etiam habuisse certam interpretationem, dum simpliciter tantum fuit tolerata; Immo nec Consuetudo vocari meretur, cum sit Corruptela inutilis, & mala, per errorem introducta, ut jam demonstravimus, & quod non ratione introductum, sed *Errore primum & deinde Consuetudine obtentum est, in aliis similibus non obtinet.* [b] Ita lege disponente; quam *Faber* [c] explicans optime notat, *intellegi in ijs casibus, qui post compertum Errorem contingunt, quia nec ius facit huiusmodi Consuetudo, cum non possit vincere rationem, & licet fuerit tandiu tolerata, numquam tamen fuit formiter recognita, sed nunc ad primam Iudicii trutinam deducitur: immo dato etiam quod aliàs iudicata, & approbata fuisset; nonne inde datur revisio Causæ? Et si primi Iudicis sententia revocatur, quænam iniuria ei infertur? Quis autem huiusmodi iuridicam cōtroversiam decidere debet? A quonam abrogatio talis consuetudinis, seu corruptelæ exposcitur? Nonne a Summo Pontifice, per organum Sacræ Congregationis Concilii? Durum est igitur dicere, quod posset irrogari iniuria Prædecessoribus, ac Romanæ Curiae: Durissimum addere, quod ex hoc scandalum oriretur. Tot enim Principes Sæculares eam abrogaverunt, & tamen quæ scandala orta sunt? Immo & è contra, quodnam scandalum ab hoc exemplo posset timeri? Leges à Legibus, Statuta à Statutis, Canones à Canonibus [d] Apostolicas sanctiones ab Apostolicis sanctionibus, passim abrogata videmus. Quin etiam Legimus in Concilio Lateranensi [e] quod Non debet reprehensibile iudicari, si secundum varietatem temporum Statuta quandoque variantur humana; præsertim cum urgens necessitas, vel evidens utilitas idem exposcunt, quoniam ipse Deus ex iis, quæ in Veteri Testamento statuerat nonnulla mutavit in novo.*

a) L. 2. de constit. Princip. ibiq. Fabr. in rational. tom. 1. & in d. l. 23. ff. de legib. ubi alii.

b) L. 39. ff. de legib.

c) Fabr. in rational. ad eand. leg. 39.

d) Cap. recurrit. 39. q. 4. & c. 1. per tot. dist. 31. & c. fraternitatis cap. vidua 34. dist. Clement. 1. de iudic. cū concord. apud Gonzal. ad cap. nov. de bet. 3. de consanguinit. & affinit.

e) Celebrat. sub Innoc. III. relas. in d. cap. nō debet de consanguinit. & affinit.

H

Et

Et simplici consuetudini, ad sensum quoque Authoris, in sola tolerantia fundatæ derogari non poterit? Pro utilitate, ac necessitate abroganda certè sunt ea, quæ mala nec utilia, nec necessaria apparent.

XIII. Vis ergo stat, in cognoscendo solummodo, an hæc consuetudo, seu Corruptela talia contineat. Hoc sub supremo Iudice jam pendet: Ad ipsum spectat judicare; Immo Ipse tenetur ex conscientia omnino hanc controversiam decidere ad obtruncandas tot quæstiones, ac auferendas tot allegationes, quæ ex utraque parte ortæ iam sunt, & oriri poterunt, atque ad sedandas hinc inde tot animas. Decidat, & omnes acquiescent. Si abrogabitur talis Consuetudo; dicendum, quod mala recognita fuerit; Si non abrogabitur, dicendum quod bona, & egomet ex primis omnes sensus meos retractabo. Sed donec sub Iudice pendet, liceat mihi ad Æternæ Veritatis gloriam eisdem sensus liberè expromere.

# EPILOGUS.

**U**Sus Juramenti in *Abstracto* licitus est, in *Concreto* nostræ Praxis est Corruptela; quæ nullis in Legibus neque Divinis, neque Humanis fundatur; sed ortum sumpsit à Barbarorum Legibus, atque ab eorumdem Legum Corruptela aucta fuit, immò fuit etiam ipsa Corruptela corrupta, dum Finis Juramenti, quem ipsi Gentiles, & Barbari religiosissimè semper servarunt, quique à Deo institutus fuerat ad dirimendas, & definiendas lites, immutatus evasit. Hinc excitantur periuria, dantur probationes contra Juramentum, & peierantes non puniuntur: Quapropter Juramentum remansit ferè pro Forma: Nihil juvando Fisco, minùs Reo, minùsque Reipublicæ: Adeo ut tot alia remedia addere, & innovare procuratum fuerit: De ejus enim inutilitate experientia continua nos docet: Exemplum tot aliorum Principum idem ratificat: Ac de bono exitu abrogationis intrepidè, & securè promittit. Quod ex ea multiplicarentur delicta, sine fundamento ex adverso vaticinatur. Quod in occultandis criminibus malitia hominis aucta sit; gratis aliqui Iudices exclamant, quibus proinde juvat respondere: Potiùs auctam esse eorum animosam sedulitatem in illis patefaciendis. Nonne habent tot alia Remedia, tot Cautelas, tot Arbitria? Juramentum ergo necessarium non est. Quando agatur de Fide, transeat; Sed detur ea veneratione, ea charitate, iis in terminis, quibus piissimè in Tribunali Sanctæ Inquisitionis practicatur: Sed quando agitur de bono naturali; non licet uti tali remedio, quia nimis periculosum: forsàn etiam si omnia delicta detegerentur, per hoc utique omnia delicta

H 2

tolle;

*Facit. Histor. lib. 4.  
cap. 74.*

\* *Vide Sixtum Sen-  
nen. lib. 6. Bibliotheca  
Sancta annos. 25. ubi  
plura ponit Sancti Pa-  
trium loca idem ferre  
asserentia nempe Hila-  
rij, Hieronymi in plu-  
ribus, Chromatij,  
Throphilati, Euthi-  
mii, Origenis, Atha-  
nasilij Epiphaniij, Am-  
brosij, Occumenij.*

tollerentur è Mundo? Vanum est hoc sperare, quia  
*vitia erunt donec homines.*

XV. Liceat ergo contra Tales Iudices repetere.  
*Audite vos Clerici qui jurantibus Evangelia Sacra porrigitis  
quomodo potestis ab illo Juramento esse securi, qui semen periuri-  
rij datis \*? Agite quæso quantum ad vos pertinet, &  
licitum est humanæ potentia; Deo relinquit occulta  
delicta, quæ non potestis detegere, prout Lex Canoni-  
ca iubet. Graviora nempe periuria jam detecta Deo  
ultori relinquitis? Quare non occulta, quæ leviora  
etiam esse possunt? Agita sedulo animo; Inquirete,  
sed habilibus terminis; Usque ad ultimum fungimini  
officio vestro. Curate, exercete quidquid Fisco  
interest, at non quod illi non prodest, & alteri  
nocet.*

XVI. Tot alii Principes talem usum Juramenti;  
aut nunquam practicarunt, aut practicum abro-  
garunt; Ij quoque iusti sunt: Puniunt delicta, eaq;  
inquirere, & evitare toto animo student, nec per  
hanc abrogationem multiplicarunt: Quid dicent ij?  
Quid alii dicere possent? Nomen Domini Sanctissim-  
um est: Animæ proximorum præciosissimo Christi  
Sanguine sunt redemptæ, & per Juramentum expo-  
nemus primum ad evidens perjurii periculum, se-  
cundus verò adeò fortiter tentamus ad pejerandum?

XVII. Si Juramentum non tenet, quare Nomen  
Domini in vanum ad invocandum cogemus? Si tenet  
(saltem in conscientia erroneis,) tunc ad unum ex  
duobus inevitabiliter Proximus succumbere cogitur;  
Aut vitam, aut animam perdere. Si namque verita-  
tem non fatetur, damnat animam: Si fatetur (quod  
hactenus non audiui, & miraculum Deicrederem)  
vitam perdet, & tunc verè Martyr Fidei moriendo  
is dici posset; Tentamus igitur Deum, ut faciat mi-  
racula, Proximum ut subeat martyrium!

Consi-

XVIII. Considerate Iudices denique si hæc omnia licita sint: Præcipuè in adeo Sancto Statu, sub hoc sanctissimo Principe; Eoque magis quando tot aliæ Cautelæ, tot alia Remedia vobis remanent: Quæ si satis adhuc non sunt, nova etiam (quatenus licita) invenire curate; Torturate Corpora; Pellem pro pelle exigite: Animam verò servate. Meque tandem protegat Æterna Veritas, quam solummodo ad eruendam, atque dicendam liberè Veritatem toto corde invocavi. Et tu Eminentissime, ac Reverendissime Princeps, qui me ad id impulisti, meæ parce imbecillitati, temporisque angustia, qua scripsi. Suppleat Mens tua sapientissima, judicet pijsima Anima tua, & Deus sic te adjuvet, ut humillimè exoro: Vale.

Venetiis 20. Aprilis 1698.

Humil. Dè vot: Obsequent. Servus  
Franciscus Trivisanus;

62  
A P P R O B A T I O N E S.

*Die 19. Augusti 1698.*

**E**pistolicam dissertationem Illustrissimi, ac Reverendiss. D. Francisci Trivisani, Patritii Veneti, &c. de Juramento Reis non deferendo, juri rationi, & æquitati consonam, nec non usu Fori Veneti inviolabiliter receptâ, sentio, & assero. In quor. fidem &c.  
(*Ego Antonius Bombardinus in Patrio Patavino Lyceore- rum Criminalium Interpres m. p.*)

**D**issertationem Illustriss. ac Reverendiss. D. Francisci Trivisani Patritii Ven. de Juramento Reis non deferendo, uti Iuri, ac Rationi consonam, SS. PP. ac Sacrarum Paginarum certissimo munitam præsidio, egregiâ verò, ac singulari eruditione præstantem approbo, ac suffragio meo recipiendam, probandamque censeo.

(*Nicolaus Comminus Pappadopoli Abb. S. Zenobii Philosophiæ Theol. ac I. U. D. & in Patavina Accademia Sacrorum Canonum Ordinarius Antecessor.*)

**D**isquisitionem Illustriss. & Reverendiss. D. Francisci Trivisani Patritii Ven. Viri quidem acerrimi ingenii, gravissimi judicii, exquisitæ prudentiæ, spectatæ experientiæ, ad omnia summa nati, & facti, de Iuramento Reis non deferendo, rationi, & equitati consonam, ac in usu fori Veneti receptam esse, sentio &c.

(*Ego Stephanus Cardeira, Com. ec. Eques in Lycæo Patavino juris Cæsarei Publicus Professor &c.*)

*Die*

*Die 21. Augusti 1698.*

**D**Octissimam, atque absolutissimam; præfati Illustriſs. ac Reverendiſs. D. Franciſci Triviſani Patritii Veneti, Epistolam, juribus, ac rationibus cumulatissimè firmatam, verissimam esse censeo.

*(Ego Io. Baptista Ceffis in Patavina Academia in Prima Institutionum sede Antecessor.*

*Die dicta.*

**I**llustriſs. & Reverendiſs. D. Franciſci Triviſani Patritii Veneti, insignis eruditionis viri, Epistolam statuentem Reis juramentum haud esse deferendum, uti juri, & rationi consonam in omnibus suis partibus laudo &c.

*(Ego Io. Baptista Gnagnoti Eques, Juris Civ. ord. Antecessor in Patavino Lyceo.*

**V**iri doctissimi, Illustriſs. & Reverendiſs. D. Franciſci Triviſani Patritii Veneti dissertationem, in qua sustinetur reis Juramentum deferendum non esse, uti juribus, & rationibus consonam, approbo, & laudo.

*(Ego Ioannes Baptista Co. Doctorius Pub. Leg. Professor in Patavina Universitate.*

**E**Ruditam Epistolam Illustriſs. Viri Patritii Veneti, Franciſci Trevisani, de non exigendo Juramento à Reis ob crimen præsertim capitale in jus vocatis, legi, rationumque momenta probavi, expectatis maxime circumstantiis, in praxi servari solitis. Die 28. Augusti 1698.

*Fr. Giacintus Serry, Doctor Sorbonicus, primariæ Patavinae Cathedrae D. Thomæ Moderator Ord. Prædic.*

*Die*

Die 27. Augusti 1698.

**A**ccuratè legi Dissertationem de Juramento Reis non deferendo, Illustris. & Reverendis, Domini Francisci Trivisani, Patritii Veneti, Viri, ob eximiam eruditionem, ac singulares animi dotes, longè spectatissimi: in qua ex purioribus Antiquitatis Fontibus, summa quadam solertià, firmiorem, tutioremque doctrinam hausitam, corruptas consuetudines detectas, Pietatem quoque pro Animarum salute magnopere promotam inveni. In quor. fidem &c.

(Ego Michael Angelus Fardella Sac. Theologiae Doctor, & in Patavino Lyceo Publicus Professor.

Die 28 Augusti 1698.

**S**imiliter & ego Petrus Amai I. C. Coll. Patav. Præpositus Sanctæ Sophiæ, & in Episcopatu Pad. causarum Aud. Gen. scriptis huius lectissimi viri: Minervæ suffragium emeriti, calculum candidum libenter adjicio &c.

Die dicta.



**D**issertationem Illustris. & Reverendis. D. Francisci Trivisani Patritii Veneti, Viri Clarissimi & omnium Virtutum Genere cumulatissimi, de Juramento Reis non deferendo, tanquam Juri, & rationi Consonam approbo, & subscribo.

(Ego Andreas Bonzaninus J. U. D. & in Patrio Patavi. Foro Judex &c.







